

東  
華  
續  
錄

光緒九十二

臣朱壽朋敬編

汪錫增恭校

十一月戊申朔大祀 堂子欽奉 慈禧端佑康頤昭豫莊誠壽恭欽獻崇熙皇太后懿旨賜醇親王肉一盤大學士閣

敬銘饌一盤○劉錦棠奏臣光緒十三年二月十六日承准軍機大臣字寄光緒十三年正月十七日奉

上諭富勒銘額奏烏魯木齊滿營官兵議遷古城請援案撥還隨缺地畝一摺等因欽此遵 旨寄信

前來等因到臣當經欽遵飭查吉布庫地畝現已歸綠營耕植其頭二三等屯向爲綠營屯地自遭變亂

地畝盡荒光緒三年經前陝甘總督臣左宗棠招集流亡給資承墾迄今陸續增添已安插百數十戶共

男婦一千數百口耕稼婚娶漸成土著若以此項地畝撥歸滿營不但遷移改墾徒滋勞費且甫經招集

忽議遷徙亦非 朝廷勞來道定之意臣查古城東灣中渠地屬上中接引山水澆灌得地一萬餘畝

如歸各滿營耕種不敷由附近之大板河西岔撥給查大板河約地三四千畝西岔約地四五千畝該各

處曾有戶民墾種爲數甚少遷移較易毋庸將頭二三屯地撥歸滿營如此辦理似民兵兩便並經行司

飭縣估計修渠經費檄行城守尉德勝委勘覆辦去後茲據德勝呈稱查巴里坤滿營現未遷齊烏魯木

齊滿營曾經遷併安插尙未就緒所撥東灣中渠等處地畝修理各渠又非急切所能竣事擬請展緩三年再行屯墾藉紓兵力等情前來臣覆加查核自係實情惟事關旗屯未敢擅便理合恭摺具陳下戶部知之○諭托倫布奏車臺廢員由配脫逃請旨飭緝究辦一摺已革游擊田福志膽敢由配脫逃該都統已咨行鄰境緝拿難保不私回原籍或潛行來京著廣西巡撫步軍統領衙門順天府五城御史一體嚴拿務獲究辦○潘蔚奏查前年奏請就贍省鎮遠府青谿縣開礦鍊鐵委員往上海採購機器招募匠工茲准候補道潘彬將鐵廠機器匠工製募齊備現已陸續赴青因飭該道卽由明春開鑪不得遲誤所有機器匠工到青緣由先行奏聞得旨如所請行○己酉命奎潤爲正使福錕爲副使行納采禮○剛毅奏陽曲等二十一屬州縣被旱被水被雹被蠶成災並綏遠渾津黑河二村被雹歉收查勘撫卹下戶部知之○諭汪鳴鑾奏敬舉續學耆儒籲懇恩施一摺廣東在籍紳士知府銜陝西補用直隸州知州張其勛國子監監丞銜舉人金錫齡均貢劉昌齡砥行通經品端學賡均堪矜式士林張其勛著加恩賞給四品銜金錫齡著賞給光祿寺署正銜劉昌齡著賞給翰林院待詔銜另片奏薦舉篤實廉勤之教職等語韶州府教授潘恩端潮州府教授黃賁階石城縣訓導嚴其琛均著賞給國子監助教銜以示獎勵該部知道○庚戌頒給熱河灤平縣鞍匠屯街龍神廟匾額○辛亥以林成興爲山西太原鎮總兵○諭剛

毅奏請飭催總兵赴任等語山西大同鎮總兵張樹屏前經賞假回籍就醫早經假滿著安徽巡撫傳知該總兵迅速赴任以重職守○諭剛毅奏特參專閫大員貪劣多端難資統率一摺山西太原鎮總兵何鳴高辦事任性任用私人兼有扣餉曠糧情事實屬貪利營私難膺閫寄何鳴高著卽行革職○癸丑何福堃奏大部爲儲才之地名臣循吏半出其中今登進之途較寬而傑出之才較少卽如司員中目爲能辦事者亦復屈指可數此非人才闕乏乃用之未盡其長也曩時員缺既通人得及時自効故歷練久而成歲多比年部曹皆苦淹滯但舉候補者言之自吏部而外員數之浮於額缺不啻落第循資平進正途或十餘年不得敘補捐班或二十餘年不得序補方其年富力強志盛氣銳不禮稍展尺寸之長迫遲之又久而敘補題升而保送擢用其人非精力衰頹卽英華消沮此豈朝廷培養人材之初意往者言臣屢有疏通之請部臣重於更張阻格者十常八九用是壅擠滋甚澄敘靡由夫論目前壅擠原不獨司員一項然司員者部中所資以辦事道府多就此取材未可與京秩聞曹一概而論既有壅滯情形似當酌擬變通之法臣管窺所及謹爲 皇太后 皇上陳之一擬將俸滿郎中咨取分發查俸滿郎中例有京升一途無論正途插選均極遲滯若其人別無出路專候銓選計自記名日起非十餘年不得到班近年一部中或積至五六人或三四人壅擠之源大半由此此項人員例本准其呈請分發特因外補尙虛而

選班已斷故多裹足不前然其郎署浮沉於部務初無裨補可否每年於每部中將記名最先者由吏部  
咨取分發一員按十八省輪流簽掣比照庶吉士散館分部行走之例仍歸原班銓選如督撫將該員請  
補或奏留者始將選班開除如此分發各直省如三年中添一員仕途不致壅積各部於一年中去一員  
人缺便可周轉其有京察現保一等暨各司正印正稿及雙單月頂選或已得御史者不在咨取之數其  
自行呈請分發者仍照舊章辦理一擬將分發直隸州知州借補他缺查吏部新章內開各部實缺主事  
保送直隸州知州毋庸俟吏部咨取記名後准其隨時呈請分發原爲疏通部員起見惟直隸州員缺太  
少外補綦難故分發者無幾嗣後漢主事呈請分發到省除直隸州缺出先儘請補外其同知額缺較多  
品級相等遇有題調各缺可否准其借補與他項記名分發人員比較到省先後如人缺不甚相宜應令  
督撫揀員調補不得遽飭過班一擬揀員分發河工俾資歷練查吏部則例舊有京員揀派河工學習一  
條嗣因河防安謐揀發久停此例幾成虛設近年鉅工疊出 宵旰憂勞正大小臣工所當實心講求之  
時並擬參用舊例仍兩年揀派一次專就各部實缺漢司員中咨取不計何項出身該堂官擇年力強健  
材堪造就者咨送一人吏部俟各部送齊後彙繕名單進呈 御覽請 旨發往學習開具本缺以到工  
日起兩年期滿如果諳練河務由河督出具考語送部引 見郎中員外郎以知府用主事以同知用發

回河工過缺卽補若兩年未能諳習仍咨回本部過應補之缺卽補此條因河工需才部員人滿設法酌劑如吏部准行過揀派河工時該部不得以無員可送咨覆塞責一擬將呈改外用之例分別推廣查進士榜下分部未經奏留者例准呈請外用其學習已滿三年經堂官奏留及庶吉士散館分部行走者向無呈改之例本所以優之也乃若敘補無期久滯郎署是優之者適以困之似不若授以一邑一官俾得及時自効嗣後此兩項人員有未經補缺自願呈改者擬請以知縣註選由留部主事呈改選班在本科進士之後由散館主事呈改選班在本科散館卽用之後以上四條請 飭吏部詳議覆奏 上諭御史何福堃奏漢司員班次壅滯酌擬條款設法疏通一摺著吏部議奏○甲寅移八旗漢軍砲營練兵演礮處於蘆溝橋永定河西岸沙灘○岑毓英譚鈞培奏查臨安府屬納樓茶甸長官司副長官普率自於順治十六年間投誠授職後世襲土官至咸豐十一年間該土官普承年故後其子普衛邦未及歲未經承襲旋亦病故光緒四年土族普保極等以爭襲土職互相殘殺當派官軍前往相機剿撫旋據普保極等悔悟投誠各土目亦經就撫經前督臣劉長佑與臣毓英將剿撫情形先後奏明有案嗣因普保極普堯年普應芳於投誠後復鼠竄兩端經臨安府劉毓珂將其計誘入城管押惟普應昌一犯尙在逃未經經臣毓英與前巡撫臣杜瑞聯前雲南藩司唐炯悉心查核酌議以納樓土官嫡派絕嗣若以別支襲職難

得駕馭之人且恐土族希冀藉口仍啟爭奪之禍擬請將土司所管八里三猛地方改爲土舍卽擇該土官親支普衛本等四人分管其地以息爭端並請將光緒七年年底以前積欠錢糧及光緒八九十三年錢糧分別豁免免徵俾其生活至普保極等三犯擬發建水縣監禁十年俟限滿查看納樓地方如能從此安靜再予省釋若再有結黨仇殺情事卽將該犯等正法其普應昌一犯兇狡異常擬請飭拿務獲正法以遏亂萌當卽恭摺會奏於光緒九年四月初七日軍機大臣奉 旨納樓地方應徵錢糧著照所請

分別豁免免徵所請將土官改爲土舍擇人分管之處著該部議奏欽此嗣經兵部等會同議准具奏欽奉 諭旨依議咨行欽遵在案茲據臨安府全琳續稟稱納樓土族普應昌前因爭獎土職樹黨仇殺逃亡在外屢次嚴拿未獲今復回籍欲圖併吞滋事經該府訪聞密移臨元鎮左營都司劉全忠於本年八月初十日將普應昌用計拿獲就地正法等情稟報前來 臣等查普應昌負罪在逃本應拿獲正法之犯尙敢復圖滋事實在怙惡不悛既經該府等將該犯拿獲懲辦應毋庸議普保極等在監並不知普應昌逃回情事應請仍俟監禁十年限滿再行察看情形分別辦理應飭該府嚴飭土舍普衛本等潔己奉公妥爲彈壓毋得詐擾生事自取咎戾下部知之○乙卯山西大同鎮總兵張樹屏病請解任允之○頒給直隸寶坻縣 關帝廟 龍王廟 城隍廟匾額○劉秉璋奏簡州知州王錫鏞非刑致斃人命得 旨

王錫鏞著先行革職歸案審辦○丙辰以黃金志爲山西大同鎮總兵○頒給浙江天台縣 關帝廟於  
潯縣 章獻神匾額○頒給河南魯山縣 城隍廟匾額○丁巳洪鈞奏請選派庶吉士出洋昇以二三  
等參贊三年期滿由使臣保奏投職編檢總署已經考取之正途章京擇派參隨俾先期閱歷參隨員數  
明定限制游歷經費併入度支下所司議奏○戊午以扎拉豐阿爲正藍旗蒙古都統○理藩院尙書紹  
祺卒派載澤前往奠醊卹廕如例並賞銀一千五百兩治喪○以嵩申爲理藩院尙書○張曜奏臨胸灘  
縣惠民齊東青城蒲臺等縣前因雨水山水同時長發當將被淹地方飭查撫恤情形附片奏報在案嗣  
據濱州高苑博興樂安東平等州縣稟報被水情形輕重不一亦經委員往勘籌辦賑撫現值隆冬貧民  
饑寒交迫被災較重之處尙須再加撫恤以免流離惟賑撫局存款無多必須另籌散放東省司庫實係  
無款可籌事關民瘼又不容稍事延緩臣與司道公同商酌查本年奉撥京餉銀四十萬兩現已陸續起  
解不敢絲毫短欠續奉部撥銀五萬兩可否仰懇 天恩俯准留於山東作爲賑款之用出自 鴻慈特  
旨如所請行○升泰奏奴才前於八月初五十八九月初十等日先後將藏番情形馳奏在案邇來自  
八月二十日戰敗之後該番初次聞信頗有著急之心及聞肅占先阻回印兵仍紮原處其狡玩之態依  
舊復萌連日以來揀派三大寺喇嘛僧衆前往帕隘防堵委員等百計開導第穆呼圖克圖竟無法阻止



又接邊報謂前月戰事被鎗斃死者約五六百人被驅逐落水者亦數百人藏番各路土兵共一萬四千有零茲聞收集敗殘僅五六千人其餘概行逃散番官派人往追卽有變亂之勢奴才復接洋官來信謂天久不能再候而該番等仍然四路調兵又以噶布倫中一二人意在主和有壞黃教舉議欲拋之藏江又迭懇奴才務必爲之向印洋索取哲布全土種種要挾出乎情理之外奴才前據聞藏僧俗各出圖記具稟停戰統兵公爾噶布倫亦據有遵諭之結不料變生意外兩營彼此尋釁藏番一敗塗地獨幸印兵阻回否則帕隘江孜均屬不保該番等宜如何猛省悔罪以不負 朝廷覆庇深恩乃有橫暴十餘人阻撓其間藉三天寺人衆爲名以抗官藉吹忠降神爲名以抗 旨意在使駐藏大臣竭力婉說以遂其索取哲布全土之謀並敢言此番戰敗係因遵 旨所誤昧良喪心莫此爲甚況兩藏番兵心膽已寒人無鬪志一聞檣纛仍議用兵無不背地譏罵私議逃亡假使另行派兵仍可期其必敗奴才因自行到邊是以飭令後藏糧務秀陵回臺料理俄官尼遊歷等事藏番因其續調之兵未到竟將秀陵留於前敵以備堵禦洋人居心險惡乃至如是奴才必得將藏番撤兵讓妥始可與洋官商辦今藏番貪念若此雖不欲冒昧遽進又覺邊事之不可再延實慮洋人以天寒不能久待再行進兵而敗殘之兵迫於饑寒更恐其內亂將作茲於九月二十八日後接秀陵蕭占先迭次飛稟云洋人又提營進紮姑布又據哲孟雄頭目

稟報洋人已過發鉛彈又添兵修路意欲分兵四路撲藏軍情萬分喫緊再四思維如必待藏番將前軍要挾之求概行改悔然後敢行竊恐洋人以久待不至翻悔前議則貽誤非淺欲速出藏而藏番因此一敗四路徵調百姓聞風逃避夫馬僱覓不易行糧亦採辦未來徒使人日夜焦愁刻已先派妥弁致信英官告以藏使必來會辦並勸其顧念和約務須克踐前言萬不可以妄動奴才一面催促速行到界妥辦第藏番能否消避妄念實未可知過情如此不敢不先行馳奏如數日內能即就道再當奏報啟程日期尙冀 聖明洞鑒指示機宜奴才曷勝迫切待 命之至 上諭軍機大臣等升奏邊事緊急據實續陳並密陳印藏情形各摺片覽奏均悉藏番執迷不悟昏愚狡玩日甚一日該大臣所陳辦理棘手情形朝廷早經洞照至因川藏邊防籌及西甯青海亦具有深意但此時欲解藏厄會該大臣卽日赴邊罷兵定界更無別法至開導一事雖萬難措手亦必須竭盡心力做去以冀挽此敗局該大臣先派妥弁囑止印兵勿動一面自備天馬速行到界所辦均合機宜卽著懷遠十月廿三日 諭旨妥籌辦理毋再延緩致誤事機所請飭總理衙門預告英使各節該衙門已屢與華爾身切實言及但藏兵不撤印兵必進亦斷非空言所能阻止此事關係重大 朝廷正切紆籌該大臣到界後務將辦理情形迅速馳奏將此由六百里密諭知之○己未李鴻章奏光緒十二年十月准總理各國事務衙門咨開據法國駐京公使

會以廣西邊界中國電綫距越南東京法國電綫甚近若彼此接連受益不淺查有無窒礙等因飭據緬甸電報事宜東海關道盛宣懷稟稱法國陸路電綫自鎮南關邊外起以達越南東京至西貢並通越南各內地又由西貢接連英綫至暹羅之都城彭高地方且繞出緬甸至印度等處中國陸綫如與接連則價目較海綫便宜以上各處電報皆由此轉遞獲利誠於中國有益中國電綫既與英丹海綫接連法綫事同一律祇須章程嚴密中國界內不准該國陸綫侵越尺寸地步亦不准該國設立電局無事時不妨接綫以收利益有事仍可斷綫以示隔絕自無窒礙等情業經咨商總理衙門核准照覆法國公使允其接連在案臣即分咨粵省督撫臣查照一面飭盛宣懷會商粵電局妥辦旋據盛宣懷稟稱泰兩廣督臣張之洞批示以祇須中國界內不准該國陸綫侵越為關鍵今年七月法國駐津領事林椿泰其本國之命前至煙臺會同該道擬就廣西之鎮南關電綫與越南北圻之同登地方法綫相接事宜十一條並另加專條大致以設局造綫彼此各至分界處所為止不准侵越邊界尺寸地步其餘係傳報章程及報費數目惟第二條內該國擬請廣東邊界之東興電綫與北圻之芒街即蒙開法綫相接又雲南邊界之蒙自電綫與北圻之保勝即老開法綫相接雖均為初議所未及但東興蒙自兩處邊綫並無商報其費皆出公家若准連接亦可藉收商報於養綫經費不無裨助且與鎮南關情事相同經臣照錄所擬

章程咨准總理衙門覆稱添接東興蒙自兩綫核與接綫原議事屬一律詳閱各條尙無窒礙難行應如所議辦理並擬入萬國電報公會及第十條法郎兌價隨時增減之說稍欠分曉應更正等因復飭據盛宣懷稟稱萬國電報公會願入即入與此約無干不必添列至第十條法郎增減遵已更正並將前次編譯字義稍有未符之處妥細核對準確連專條統訂爲十二條林椿以時屆封河即須回津請即在煙臺畫押並請奏明遵行該道遂電請臣與總理衙門覆准即於十月二十八日將所訂章程與林椿畫押蓋印訂明鎮南關一綫俟中國奏明奉准即行接連東興蒙自兩綫俟奉准後十八箇月內再接計繪漢文法文章程各四分法國應執兩分中國電報總局存留一分其餘一分稟送前來臣查外洋各國電綫彼此相接以通平日商報而資養綫經費各國均無禁止接綫之例即如法德鄰邦世仇日相窺伺電報仍往來如織蓋有事明斷其綫暗阻通信我可自主並無窒礙中國電綫久與英丹兩綫相接藉通中外消息甚於大局有裨今與法綫接連藉收商報之利有事時斷綫阻信仍可操縱由我理合照錄章程恭摺具陳得 旨允行○李鴻章奏海軍衙門擬定北洋海軍章程前已繕冊具奏奉 懿旨依議欽此當經轉行欽遵分別開辦茲查章程內俸餉等項現在釐定之數與向發數目多寡均有不同本年冬季薪餉因各輪艇紛紛具領已照向章陸續發給年內不便改發應請自光緒十五年正月初一日起將海軍俸

餉等項照新定章程辦理海軍提鎮等官有補缺在先者其俸餉亦自來年正月起照新章開支以歸一律所有向發薪餉等項既與現定俸餉新章不同卽於光緒十四年十二月截止仍歸北洋防費舊案造報其自來年正月起照新章收支海軍經費另作起訖造冊按年報銷以期各歸各款免致牽混至工需雜費新章所定係屬約略大數將來如有變通增減之應如何截長補短勻搭支用隨時察酌情形核實辦理飭據海防支應局司道具詳前來臣覆核無異理合恭摺具奏下該衙門知之○庚申 上詣

壽皇殿行禮○以援臺剿番功予故提督劉朝祐副將韓振基優卹○辛酉劉錦棠奏知縣馮森楷短發站費請革職議處從之○吳大澂奏臣於光緒十四年十月二十四日戌刻准直隸總督臣李鴻章轉電總理各國事務衙門來電欽奉二十二日 諭旨垂詢鄒工現辦情形於是日亥刻敬陳大略電覆奏明在案至挑壩所以停止之故不能不據實 上閱西壩議築新挑壩一道在五十一占壩前生根自九月二十二日興工至十月初三四日始得盤壓到底費料幾及一百株蓋因一十七八日連日大風全河奔注壩前愈淘愈深一占進至十二三日殊非意料所及正在趕進第二占河勢忽又生險全力匯注挑壩上首將壩壘四十六七占陡盤平水初六日辰刻情形甚屬危險經前山東按察使潘駿文督率文武掌壩激勵委員搶鑿穩固適當稽料不足之時舊壩新占同時喫緊需料過多頗形掣肘臣與潘駿文通盤

籌畫若必俟挑塼築成再圖正塼核計時日過於遲緩料物亦難接濟與其兼營挑塼有誤金門堵合之期不如節省料糶專供兩端進占之用凡事有經有權常則守經變則通權亦因時制宜之辦法而局中局外議論紛紜皆謂挑塼不應停做實備甚嚴且係臣自行奏辦之工忽又中止未免自相矛盾然臣再四思維迴護前說必致貽誤大工曠日糜料事無把握常人知經而不知權臣則當統籌全局權其輕重堅持定見不能不力排眾議捨挑塼而專力金門兩商撫臣倪文蔚意見相同遂即定議西塼於十三日開工先進一占東塼於二十四日開工續進一占惟口門愈收愈窄工作愈進愈難除新進兩占不計外現在實量東西正塼中間金門尚存三十二丈以後撐擋不敢過寬約須分作七占東塼進三占西塼進四占後晝夜不能停手便當一氣呵成趕至合龍而止臣亦不敢過於催逼致蹈草率之虞但令穩進穩壓料足土勻得一占保住一堵自無意外之虞計距小寒節不及四十日為期頗形局促幸河勢尚屬平順溜力漸微趁此冰凌未結之時即應竭力趕辦以期仰慰 聖懷庶念河工之至意至籌購料塼甚為費力始於東西兩端另設一廠旋又派員於北岸之王屋趙莊平泉灘添設三廠因西塼收料擁擠續添分廠一所總計八廠截至十月二十五日止共收糶料二百二十四垛體察民情亦不謂不踴躍臣大徵親赴各廠稽查勸諭令委員寬定價值隨到隨收隨時發價不令鄉民守候賠累亦不准料戶囤積居

奇撫臣倪文蔚亦屢札近工各州縣親自赴鄉勸諭民戶趕速運料赴工售賣並派員分路查催至再三不遺餘力無如各工緊要需料過繁日計有餘總計不足除榮澤壩損護險工銷用三百垛及東西兩壩逐日動用外現存新料一千三百一十五垛舊有未用之料二百七十三垛統共存料一千五百八十八垛約計收至十一月底尙可續收二千餘垛足敷兩壩進占不致短缺遇大風雨雪料車不能源源而至此又未可逆料者兩壩開工以後其勢不能停工待料臣所以力爲籌購日夜焦思惴惴焉惟恐辜負聖恩爲懼臣惟有寬籌藉料不誤工需庶可尅期竣事藉紓朝廷宵旰之勞報聞○壬戌轉熙敬爲戶部左侍郎調敬信爲戶部右侍郎轉續昌爲禮部左侍郎以文興爲禮部右侍郎○以丁汝昌爲北洋海軍提督林泰曾爲北洋海軍左翼總兵劉步蟾爲北洋海軍右翼總兵○命載澍詣 壽皇殿恭代行禮○頒給清江 城隍廟匾額○調烏拉布爲正白旗滿洲副都統清安爲鑲紅旗滿洲副都統以柏英爲正白旗漢軍副都統○調恩全爲左翼前鋒統領以慎銘爲右翼前鋒統領調謙光爲鑲黃旗護軍統領以恩普爲鑲藍旗護軍統領○調符珍爲鑲黃旗滿洲副都統桂全爲正紅旗滿洲副都統以克勤爲鑲黃旗漢軍副都統○張曜奏審擬搶奪觸礁輪船抗官斃勇案下刑部議奏○張曜奏黃河下游搶險員弁請獎下部議奏○于變飾助賑已故副尉達興阿之妻吉陽瓜爾佳氏旌表○諭本年各直省辦理

秋審人犯經刑部由緩決改情實者湖南山東均多至六起該撫並臬司於秋審重犯未能詳審核議著交部查明分別議處嗣後各將軍府尹督撫等務當督同所屬遵照定例酌核案情悉心究擬固不可失之刻覈亦不可惑於救生不救死之說故從輕減總期設法持平無枉無縱用副明慎用刑至意將此通諭知之○癸亥倪文蔚奏鄭工捐輸請獎下戶部議奏○甲子吳大澂奏搶辦榮澤險工一律平穩下部知之○允吳大澂請各工用款展限造銷○丙寅冬至大祀 天於 圖丘○劉秉璋奏西藏番官俸額請由川省折價發給以歸簡易下戶部議奏○劉秉璋奏川省被災籌款撫卹下戶部知之○丁卯以羅榮光爲直隸天津鎮總兵○戊辰劉銘傳奏威定輪船失事都司李培林救護出力請獎允之○子因公淹斃浙江候補巡檢吳守植等優卹○庚午予景壽病假一月○辛未衛榮光奏審擬東陽縣糾眾劫獄案下刑部速議具奏○張之洞奏前准部咨各省捐修城工應於議修議築之始先行奏明存案該處有無軍務在於摺內詳細聲明等因通行遵照在案現據廣東布政使高崇基詳稱據香山縣紳士在籍候選劉永康呈稱世居縣屬之前山寨地濱海近接澳門城垣年久失修坍塌過半城內舊址狹隘居民生齒日繁駐足無地自應及時修拓以資棲止而固苞桑該紳自願捐資集事不敢請給官款當經檄飭署廣州府海防同知蕭內荃會同委員候選通判張士彥勘得前山寨城北依山麓西南面海東爲直



走澳門之大路該城舊址長三百二十丈高及八尺或五六尺不等現據將東西南三面一律卸舊換新  
加展至三百三十七丈城脚用石城身用灰沙三合土築高一丈一尺城堞用磚高三尺五寸仍設東西  
南三門樓礮臺悉如舊址其北城舊基長一百六十五丈毋庸加展擬將城身築高一丈城堞亦三尺五  
寸通計周圍共長五百零二丈較之舊址加展一百四十二丈城牆皆七尺外城東南角開濠一道長一  
百五十丈兩面砌欄共闊二丈六尺至於城身加展所用糧田稅地多係劉姓公產計城牆壓占田地一  
十一畝二分開濠用田六畝五分東西南三面拓城共用田地三十七畝內有別姓三畝九分由劉永康  
等給價買回一併捐作城基應完糧稅照舊輸納所有圈入地場仍歸原主管業分別勘丈明確核實估  
計共需經費銀四萬餘兩劉永康自願獨力擔承成此盛舉並不請官發款亦毋須別處籌措據該同知  
等勘明圖築之處並無阻礙橋梁道路民情亦甚樂從並據劉永康等呈請開工等情稟報到司由該司  
具詳請奏前來臣伏查前山寨城建自前明天啟年間當水陸扼要之衝爲形勢所爭之地內達香山縣  
城外接澳門十里而近在今且尤爲衝要現因該城舊址窄狹民間栖止不敷邑紳劉永康等自願出資  
修理加展城身一百四十餘丈所需經費及應用田地悉係該紳捐給不動官款洵屬急公好義自應准  
其開工修拓以順輿情惟粵省現無軍務該紳捐修前山寨城係爲保衛居民鞏固海疆起見自當遵照

部章先行奏明存案一俟城工告竣委員驗收仍照民捐民辦章程免其造冊報銷劉永康等所捐修城工費及拓作城基田地現飭分別開報姓名細數再加覆核工竣之日合併仰懇 天恩俯准給予獎敘以昭激勸得 旨如所請行○壬申國史館續纂文武大臣年表及臣工奏議全書成予出力人員奎華等並總纂官李端棻等獎敘有差○癸酉長順奏伯都訥等處被水報聞○劉錦棠奏哈密回子親王沙木胡索特請暫緩朝賀允之○諭托倫布奏軍臺廢員由配脫逃請旨飭緝究辦一摺已革參將唐永福膽敢由配脫逃該都統已咨行鄰境緝拿雖保不私回原籍或潛行來京著湖南巡撫步軍統領衙門順天府五城御史一體嚴拿務獲究辦○甲戌志銳奏譜牒之學百昔所重支派之別歷久彌紛雍正十三年奉 諭纂修八旗氏族通譜蓋虞書所謂平章百姓典至重也 叔才伏讀原書紀載詳明於 國初以來勦勞閭閻固不悉備使世職之家念服勤之祖德單寒之族勦光大之初心視魏書之志官氏用意尤深惟是書告成於乾隆九年迄今已百四十年其間世爵之增錫佐領之添設與夫撥隸各府移防外省視原書所載已多不同及今據檔冊徵家譜猶有可考昔歐陽修撰唐書其於世系尙特立表元史不詳氏族後人猶欲補之況滿洲八旗世受 國恩忠貞輩出豈可使小史之筆英賢之譜闕而無徵乎應請 旨特派大臣開局續修詳定體例以彰 盛典以後酌定年限或五十年或三十年一修庶幾世序昭

然便於考核 上諭翰林院侍講學士志銳奏請續修八旗氏族通譜一摺據稱八旗氏族通譜自成書後迄今世爵之增錫佐領之添設與撥隸各府移防外省視原書所載已多不同請特派大臣續修等語雍正十三年十二月奉 旨八旗滿洲姓氏繁多向無彙載之書難於稽考著將八旗姓氏詳細查明等因欽此是氏族通譜一書原令記載姓氏不使淹沒雖敘其事蹟官銜不過略書梗概凡查考各項世職根由自有內閣吏部兵部檔冊爲憑不得執此爲據其詳見於凡例該侍講學士所請開局續修之處著毋庸議○諭岑毓英奏藩司會紀鳳懇請開缺養親據情代陳及雲南現辦要務正需該員相助爲理各摺片雲南布政使會紀鳳因伊母年逾八旬懇請開缺回籍終養情詞胞摯原應准如所請惟雲南現在籌餉開荒等事均關緊要辦理尙稱得力且伊母迎養在署自可隨時侍奉會紀鳳著毋庸開缺俟雲南要務辦理就緒再行陳請○內子童華續假一月○王文韶奏隨漕雜款礙難造報考成下戶部議奏○劉錦棠奏葉城縣纏民哈生木救父致斃人命案審擬減等下刑部議奏○升奏奏奴才前於九月三十日會將邊務緊急情形由六百里奏報旋據探丁稟報該丁在於附近洋營地方哨探被洋官知覺喚入營中當面告知該丁云駐藏大臣恐未必能來現在對邦地方天氣太冷我等不日卽當提營進紮仁進岡等語查仁進岡本係藏境在雅納支木咱里等山之北卽前日印兵追逐公爾噶布倫伊喜洛布汪

曲之處今若印兵紮營彼地則藏番又有藉詞當由奴才專弁不分晝夜致信洋營囑其切勿妄動駐藏大臣必來邊境會辦復經督飭委員等夙夜設法開導藏番百計曉諭利害復訪查明白曉事之達喇嘛伊喜批冲援案令其暫署額外喇布倫期其能於第束僧衆漢番連日妥議始將該番等案要哲布全境之念漸消只云懇求奴才爲之極力辦理仍照近年向章又將業已成軍之三寺僧兵阻回復經西藏糧務設法購得兩月行糧達木游牧與商上會同湊集夫馬奴才卽於十月十六日由藏帶印起程馳赴前敵妥辦務期彼此先行撤兵再議界址惟藏番最易反覆應俟行抵該處如何情形再行陸續陳奏報聞

○吳大澂奏 臣前將停做挑壩專力金門爲通樞達變之計於十月二十八日會同撫臣倪文蔚繕摺由驛具奏並聲明西壩於十月十三日開工出占東壩於二十四日開工進堵及將逐占鑲辦情形迭次電奏在案伏查該工金門丈尺除兩壩各撐一擋後計寬尙存三十二丈本擬分作七占責令東壩再做三占西壩再做四占嗣因東壩頂溜築做每成一占淘刷加深鑲壓坯數較多且增占愈鑲鑲做愈寬所以現進第三占似可作爲門占西壩雖屬順溜而金門漸收漸窄水勢擡高逼溜愈緊不免施工費力現在第四占已經句成應候東壩門占做起抽出鑲船讓開地步方能再進第五占作爲門占約留口門上寬五六丈下寬三丈餘尺爲中間合龍之占 臣大澂親駐壩所督率委員催工催料兩壩添做夜工勉此磴

進一日可抵兩日之功員弁委兵均極勞苦俟西壩第五占盤壓壘纔僅令上下邊壩一律撥齊約計十二月月中旬總可挂纜合龍事機尙屬順利各廠採購梢料共收四千五六百垛已足數用業飭先後封壩至新挑引河四十三段亦早完竣查驗寬深丈尺相符茲於十一月十九日節交冬至大河尙未消凌天氣亦極晴和合龍亦有把握遲早不過數日之間除飭兩道各關分別將上游有河各工埝段密挂擋凌橋把購備激凌器具慎加防護並下游乾河各關趕鑿禦水工料以備開放引河相機保守照例嚴催趕辦歲料合將節交冬至兩壩進占順利引河完竣合龍已有把握緣由相應會同河南撫臣倪文蔚合詞恭摺由驛具奏再查東壩下邊壩係於四五月間節料停鑿西壩本未築做此次開工後因迴溜湍激正壩喫重不得不仍舊添做兩壩均照三路並進以臻穩固合併聲明得 旨覽奏合龍有期殊深欣盼即著該署督等乘此時機得手督飭員弁妥速趕辦早日告成以慰屬系○吳大澂奏向來河工修築壩埝皆用條磚碎石拋擲河中石壩一道須拋二千餘方始見出水丈尺尙不甚寬每遇伏秋大汛急湍猛之中壩根淘刷日深不但磚質輕浮易於衝散卽重大石塊亦卽隨流坍塌非年年運石加拋不能穩固河壩歲修經費有常不能多購石方籌壩所以日就廢弛亦有兼顧不遑之勢臣訪聞西洋各國有塞門德土拌沙黏合不患水浸較諸中國所用三合土尤爲堅結趁此引河未放下南中河各關須築挑壩正

在河身乾涸之時可用灰漿砌築磚石並擬於磚面石縫試用外洋塞門德土塗滿結實歛散爲整可使  
壩基做成一片足以抵禦河溜用石少而計工必堅似亦一勞永逸之法因於本年八月間電商北洋大  
臣李鴻章備撥旅順所存塞門德土三千桶並派員於上海香港添購六百桶現已陸續運到先行試辦  
如果得力亦可爲河防築壩之一助下部知之○丁丑以軍機處繕修檔冊予職司校對之記名道府禮  
部郎中玉惲等及供事該敘縣丞成倫之等獎敘有差

十二月戊寅朔世鐸等奏伏查光緒十三年正月 皇上親政 皇太后訓政所有一切應行事宜或酌  
復舊制或變通辦理或暫緩舉行由 臣等公同參核於十二年十月十七日開列條款具奏二十日欽奉  
諭旨依議在案明年二月恭逢歸政大典除業經歸復舊制各事毋庸另議外現在應辦之事有應歸  
復舊制者有仍應暫爲變通者 臣等悉心商酌並與醇親王面商意見相同謹擬條目恭候 欽定一

臨雍 經筵典禮 御門辦事仍恭候 特旨舉行一中外臣工奏摺應恭書 皇上聖鑒至呈遞請安  
摺仍應於 皇太后 皇上前各遞一分一各衙門引 見人員 皇上閱看後擬請仍照現章於 召  
見臣等時請 旨遵行一武 殿試向由兵部奏請 皇上親閱考試擬請復舊制辦理一兵部奏派  
查齋大臣向係分繕清字大牌紅頭綠頭名數恭候 欽派八旗吹演海螺向係恭繕清字大牌奏 聞

在河身乾涸之時可用灰漿砌築磚石並擬於磚面石縫試用外洋塞門德土塗滿結實斂散爲整可使  
壩基做成一片足以抵禦河溜用石少而計工必堅似亦一勞永逸之法因於本年八月間電商北洋大  
臣李鴻章備撥旅順所存塞門德土三千桶並派員於上海香港添購六百桶現已陸續運到先行試辦  
如果得力亦可爲河防築壩之一助下部知之○丁丑以軍機處繕修檔冊予職司校對之記名道府禮  
部郎中玉恆等及供事議敘縣丞成倫之等獎敘有差

十二月戊寅朔世鐸等奏伏查光緒十三年正月 皇上親政 皇太后訓政所有一切應行事宜或酌  
復舊制或變通辦理或暫緩舉行由 臣等公同參核於十二年十月十七日開列條款具奏二十日欽奉  
諭旨依議在案明年二月恭逢歸政大典除業經歸復舊制各事毋庸另議外現在應辦之事有應歸  
復舊制者有仍應暫爲變通者 臣等悉心商酌並與醇親王面商意見相同謹擬條目恭候 欽定一  
臨雍 經筵典禮 御門辦事仍恭候 特旨舉行一中外臣工奏摺應恭書 皇上聖鑒至呈遞請安  
摺仍應於 皇太后 皇上前各遞一分一各衙門引 見人員 皇上閱看後擬請仍照現章於 召  
見臣等時請 旨遵行一武 殿試向由兵部奏請 皇上親閱考試擬請歸復舊制辦理一兵部奏派  
查齋大臣向係分繕清字大牌紅頭綠頭名數恭候 欽派八旗吹演海螺向係恭繕清字大牌奏 閱

擬請歸復舊制辦理一 旬到事宜擬請暫照現章辦理以上各條恭候 皇太后 皇上聖鑒訓示臣

等敬謹遵行其有應行知照京外各衙門者分別辦理欽奉 慈禧端佑康頤昭豫莊誠皇太后懿旨如

所議行○以楊昌濬捐助賑款交部議敘○庚辰特爾慶阿以原品休致賞食全俸○辛巳命李鴻藻爲

正使嵩申爲副使行大徵禮○頒給湖北興國州 城隍廟匾額○壬午 上詣 奉先殿 壽皇殿行

禮○命載瀾恭詣 惠陵致祭○以明安爲正白旗蒙古副都統○諭鎮黃旗蒙古奏公銜頭等台吉

麟出缺如何承襲請旨辦理一摺博麟所出世襲著仍襲公銜頭等台吉該衙門知道禮三件併發○中

申 上詣 中正殿行禮○劉錦棠奏准戶部咨議覆伊犁將軍請撥銀十五萬兩酌遣伊犁勇隊等因

一摺於本年八月十八日具奏奉 旨依議欽此欽遵咨行到臣正籌辦間復承准軍機大臣字寄光緒

十四年九月十三日奉 上諭前據色楞額奏遣撤伊犁勇隊酌撥餉項川資等因欽此伏查光緒十二

年冬間臣與前署將軍臣錫綸欽奉 諭旨會同清理伊犁勇營舊欠其時議定自十二年二月以後按

照舊章行糧章程按月發餉不得少有尅扣從前欠餉概行截止並無留營勇丁尙有應領加項存俟准

假找給之用當經奏報有案亦爲衆所共知本年七月色楞額奏請撥款以資遣撤臣不得不申明其事

茲蒙 天恩准撥銀十五萬兩臣自應欽遵會同色楞額妥爲清理以仰副 朝廷慎重邊防之至意惟



查前此清理之時分別挑留遺撤其挑留一項共銀九萬九千餘兩內除酌發統領營官及哨長各項其在勇丁者實共銀七萬四千餘兩此當時報部之實數也其後錫綸任內又續有假汰逃亡今欲按名補發則錫綸任內已經假汰及逃亡病故者亦應刪除且加發一項原祇遺撤者有之以其存餉無多非此不足以示體恤而遺撤之內又有回籍與落戶之分亦不能概歸一律色楞額前奏請將加發銀兩無分去留先行算明概與清結不知當時原議既有回籍落戶之分若不定去留何從區別若無區別又何以待事理之平臣再四思維惟有仍照舊章辦理前此挑留弁勇花名清冊原飭造具二分各註明籍貫箕斗入伍日期並發過銀兩數目一存伊犁一由臣攜帶回省底案俱全不難覆按而知擬俟譚鍾麟解到此款即遵照部議存儲司庫一面咨商色楞額將應撤勇丁妥速遣散除新餉應由色楞額核發外其加發之款即由色楞額查明飭令各營分別回籍落戶照前造具花名清冊竊送省城以憑核對其情願寄居落戶者即解由伊犁按名發給其實係報明回籍者即給票持赴省城由臣飭司委員按名發給並將前存底冊發司已經給領即由司於冊內註明留營勇丁仍存俟准假之日照此查明分別發給現在各該營於未定議之先已有遺撤應令補造清冊其墊發此項銀兩俟前款解到如數撥還以清款目下存若干由司隨後查明詳報部立案似此辦理庶幾維持統領營哨各官身受國恩自不肯與勇丁

一同再領至營制餉章現與巴里坤及阿克蘇等處均已經臣奏定伊犁事同一律自可照行惟該處各營向由將軍統轄未准色楞額造冊移交臣亦無由過問色楞額前奏擬先儘入營年久及不勝差操者酌量准假發清存餉資遣回籍願留勇丁歸併綠營改支坐糧以符原議四千人之數臣愚竊無以易此現在蒙恩准此欵正可及時舉辦各統領營官有約束勇丁之責亦當激發天良共求整頓臣已咨商色楞額經此次奉旨之後如各該營弁勇再有滋鬧卽惟各統領營官是問容臣與色楞額指名嚴參以示懲儆下部知之○乙酉諭御史文郁奏武關請申明展限舊例並酌改分關出示章程各摺片著兵部議奏○戶部奏催雲貴二省應辦銅鉛認真開採提前起解得旨允行○慶裕等奏奉天東南各城上年水災頗重請將奉省高粱粟米兩項暫停商運出口得旨如所請行○諭明年舉行歸政典禮上皇太后徽號普天率土忭舞懽歡多士如林滿爾聖澤允宜特開慶榜俾遂觀光著於光緒十五年舉行恩科鄉試十六年舉行恩科會試用副朕錫類推恩作育人才至意該部卽遵諭行○岐元劉秉璋奏臣等前因馬邊屏山等處猺夷勾結涼山野番出巢肆擾傷斃弁兵由省派勇往剿曾將迭獲擒斬及添勇進剿情形先後奏報在案旋因屏山與馬邊夷疆逼近深恐猺夷乘虛回竄檄飭統領達字營馬朝選率領衛隊親兵及達字副前營馳往屏山擇要扼紮以爲犄角之勢一面檄調總理營務處統領長

勝武字等營徐春榮前往馬邊剿辦復據提督銜前記名總兵萬重暄奏調來川臣等以該員熟悉夷情亦卽派令前往會剿隨據馬朝選徐春榮萬重暄馬邊協副將張祖雲馬邊廳同知花映均等陸續稟報五月初八日探得該匪夷復在大涼山糾集三千餘衆由銅習子九箇包老林出巢分股竄擾收壩鄉馬瑞場一帶維時馬朝選尙未移紮屏山卽率連字各營會同張祖雲挑選兵團分路截擊徐春榮分率長勝先鋒各營徐忠勝唐珊峯等一由觀賢場出三溪口以遏賊左一由官帽洲出中山以遏賊右並因馬瑞場與屏山接壤復飛飭長勝右營姚振邦連字左營郭孔晉泰安礮隊錢春榜等會合兜剿各軍奮勇齊進該夷自水平溪鄧家灣三岔溪等處分三股拒敵勢甚兇悍我軍鎗礮齊施殲夷匪多名悍夷自沱左目中鎗猶復率衆狠闖我軍悉力猛撲擒斬自沱於陣夷衆分奔我軍合團環擊鎗如雨發卽將夷目達渣羅斃傷斃黑白夷匪七十餘名餘衆奪屍回奔其時徐春榮親率兩路隊勇從白果坪一帶迎截該夷猝不及防中鎗落澗者不計其數奪獲蠻矛五十二根蠻弓二十五把氈衫多件夷目黑姓率其敗夷潛逸至核桃坪晒谷壩復經各軍追至生擒之並斬黑白夷首級多顆各夷紛紛由九箇包原路翻山避入老林我軍趕殺二十餘里因山路崎嶇未敢窮追收隊回營是月二十五日我軍復會約三路進攻徐春榮親率長勝先鋒各營以已革提督劉玉田捐資自募土勇一百名爲嚮導由泉口銜枚疾走直

襲小涼山夷支水落家處所奪隘而進至白家灣爲巴射六村等支夷衆聚居之處地險而逼蠻棚稠密滾木雷石層布拒守我軍以短刀居前洋鎗繼後奮身直進力破堅巢該逆奔逃中鎗被斬及墮崖落湖者無算我軍乘勝追入老林十餘里又擒斬悍夷五名奪獲旗械多件一路蠻棚悉數焚燬馬朝選駐屏山後亦飭所領各營及開花礮隊以軍功楊先章帶嚮導五十名同日由油窄坪渡河抄出麥子坪直攻獻牛坪該處裸夷皆牙納丁花小木干等支分住憑高據險我軍開花礮轟擊夷匪退伏一擁登寨擒斬轟斃悍夷多名並燬蠻棚數百間張祖雲親率制兵並鎮邊等營以軍功黃青山帶嚮導五十名由魚完壩出頭壩進攻十二壩賊我比根庚兒阿亦等支夷人率衆抵抗我軍奮勇攻擊夷勢披靡遂分兩路包抄至大院子夷窺夾攻而入鎗礮齊施該夷力不能支落荒亂竄陣斬及生擒甚多並燬蠻棚四百餘間奪獲器械多件當各收隊卽在白家灣獻牛坪大院子三處駐紮爲節節進剿之勢此一役也共擒斬夷匪四百餘名焚燬蠻棚一千五百餘間奪獲蠻矛弓弩氍衫共六百二十餘件我軍亦陣亡勇丁十八名帶傷五十七名分別優給恤賞出力弁勇按功存記一面確探路徑再議深入旋據探報小涼山各支夷匪經此次痛剿莫不心怯膽裂將歸順等情隨據牙納家千戶牛納亦特家百戶林毛率衆來營環跪乞撫並稱小涼山各支夷衆均已悔懼情願投誠懇免剿洗報經臣等以馬邊右路夷人十九支居小涼

山者三分有二現既被創乞撫應卽照准以便調集兵力專剿大涼山當卽檄飭議撫旋據牛納林毛兩  
夷酋回巢邀同牙納巴射庚兒阿亦特恩茂花小木干比根水落烏曲捏扭等十二支夷衆來營准其投  
誠一面分設各營隊伍於七月十九日分路進剿大涼山萬重暄一軍由銅廠埂進至大風嶺該夷已用  
木石塞斷隘口拒守甚固我軍分兵一半向前攻擊以一半由小路攀藤附葛而上抄出隘後掩襲該夷  
腹背受敵力不能支各軍奮躍齊登奮力攻擊傷斃夷匪一百八十餘名奪獲器械多件蠻棚悉數焚燬  
夷衆四散奔逃徐春榮一軍率同徐忠聘唐珊峯等由洒水壩攻入行至半途先分六成隊伍暗伏兩旁  
深林之中以四成隊勇向前該夷扼守於緇撒沙對壘鏖戰良久我軍漸退夷匪膽敢窮追我軍返鼓回  
旗以鎗礮連環轟擊兩旁伏兵齊出三面夾攻該夷大敗斬擊悍夷數百我軍乘勝據險悉燬蠻棚拾獲  
器械無算當各就地駐紮連日派隊四處搜剿將附近夷寨一律平燬正籌議深入間旋據阿支家千戶  
格初率同大涼山各支夷酋詣營乞撫該統領等責以此次出巢焚擄戕官燬汛情罪重大不允收降該  
夷酋等惶恐伏地哀鳴歛衽煙峯汛千總余清江實係兇夷自沱戕斃該兇夷自沱已在水平溪被官軍  
陣斬伏法伊等被剿悔懼情願清繳擄去難民賠修煙峯汛房屋以贖前愆以後永不敢再行滋事等語  
該統領等見其情詞肫摯帶同該夷酋拔隊回營與令清繳難民賠修汛房一面稟由臣等酌定批准擇

期於十月十九日整齊隊伍會同總屬文武在於驢城外校場受降是日大涼山阿支阿候捏我捏特李千吼卜捏別等七支與小涼山夷人十二支共十九支齊集黑白夷寨二百餘人均各飲酒插血誓不復反當已優加賞犒曉以大義並令各支得力黑夷照章留營當差責保路口以示羈縻現已陸續交出難民九十餘丁口馬屏全境一律肅清等情先後會稟前來等伏查馬屏一帶猺夷支數繁多夷情狡獪同治初年及光緒元二三等年屢次出巢滋擾派勇剿辦久煩兵力惟始以剿者必終以撫誠如聖諭剿撫兼施本年出巢熾汎戕官勢尤猖獗小涼山之戰勝極爲得勢是以大涼山一戰而服此皆仰賴天威將士用命未及一載戡定邊隅辦理尙稱妥速等當卽飭令將領等會同總屬文武將善後事宜悉心籌畫妥爲布置各營弁勇暫行留駐以期有備無患用副聖主軫念邊陲之至意此次在事出力將領文武員弁紳團親冒矢石深入煙瘴夷巢大小十餘戰皆能殺敵致果用告厥成較之用兵內地勞苦尤著相應籲懇天恩俯准擇尤保獎以昭激勸上諭岐元劉秉璋奏剿辦馬邊等處夷匪殄除悍逆餘黨一律就撫邊境肅清一摺四川馬邊山等處疆夷勾結梁山野番出巢滋擾經岐元劉秉璋派出各營兵勇分路進剿迭獲勝仗擒斬悍逆夷目殄斃逆匪甚多並焚燬蠻棚夷巢多處所有大涼山小涼山各支夷黨畏懾兵威輸誠受撫馬邊屏山全境一律肅清辦理尙屬妥速卽著該將軍等飭令各該將

領會同屬縣文武將等後事宜悉心籌畫妥爲布置以期永靖邊陲此次在事出力文武員弁著准其擇  
尤保獎并稍冒濫該部知道○丙戌以霪霖歡愛廉爲內閣學士○予故四川總督丁寶楨於山東省城  
建祠列入祀典○諭我朝武功彪炳方略昭垂同治年間粵捻各逆肅清業經編纂成書宣示天下因思  
回匪搆亂自咸豐同治年間迄於光緒初年滋擾滇黔關隴並新疆等處地方各立項目逆焰鴟張我  
文宗顯皇帝臨軒運策剿撫兼施 穆宗毅皇帝克迪前光迭殄醜類仰維廟謨指授總以但分良莠不  
分漢回爲主用能救民水火迭奏膚功朕御極後復稟承 懿訓命將專征天山南北各城一律戡定綜  
計戰事始末二十餘年允宜載諸簡編昭茲來許卽派軍機大臣禮親王世鐸額勒和布張之萬許庚身  
孫毓汶充方略館總裁督飭提調總纂等官詳慎編輯毋稍疎漏所有應行各事宜並著隨時斟酌辦理  
該衙門知道○丁亥慶裕奏黑牛館被水衝刷請修理各工允之○頒給甘肅會甯縣 城隍 龍神隴  
西縣 城隍中衛縣 城隍靖遠縣 龍神匾額○戊子以賀良楨爲貴州按察使○加徵西城貧善堂  
煖廠米石○諭諸祖蔭高萬鵬奏考察吏治請旨嘉獎一摺據稱直隸通永道許鈴身識見明通才具穩  
練順天府治中查光泰樸實無欺久著循聲北路同知蔡蔚堂老成練達措置從容涿州知州劉枝彥政  
平訟理惻惻無華著通州知州趙欽舜才具開展聽斷擅長以上各員均堪爲循良之選卽著傳旨嘉獎

仍隨時督飭該員等益加奮勉毋得始勤終怠用副朝廷策勵人才至意○己丑命載漪恭詣 定陵致祭○以額勒精額爲長蘆鹽運使○庚寅 上詣 大高殿祈雪○辛卯雪○修密坐崗山神廟○諭兵部奏各省營制冊籍仍未造齊請旨飭催一摺現在兵部纂修則例會典專符各省營制送齊方可纂輯所有尙未造報之河南湖北福建臺灣浙江廣東雲南甘肅新疆等省及尙未造齊之陝西廣西貴州等省著各該督撫飭令依限造送毋得延宕至滿營營制額缺並巡捕營營制冊籍著該將軍等查照該部單開及前行款式分別核造送部核辦另片奏請飭各省將現在裁定額設旗練兵丁數目及防營何汛分別馬步隊各項詳細造冊等語卽著該將軍都統督撫等查照辦理餘依議該衙門知道○壬辰總理各國事務衙門奏光緒十四年十一月初十日軍機處鈔交出使大臣洪鈞奏洋務儲才一摺本日奉硃批該衙門議奏欽此欽遵到臣衙門臣等查原奏內稱每科館選庶吉士不下七八十人若令寧院學士就新科館選中擇派出洋畀以二三等參贊三年期滿有能嫻習交涉事體考究富強功效及明於機器開礦算學化學諸務者由使臣保奏授職編檢請 飭詳議章程奏明辦理一節查吏部奏定章程翰林院庶吉士無論何項勞績不准保免散館所以重清班也庶吉士初膺館職多係少年聰穎之才若使研究西學講習自較易爲力果有熟諳洋務堪備出洋之選者應准出使大臣隨時奏調以資歷練如屆



散館之期其願回華考試者仍聽其便所請保免散館之處似未便更改肅章應請毋庸置議其庶吉士  
業經留館之編檢及正途出身之部員果有才能出眾者卽由出使大臣自舉所知奏明調帶又原奏內  
稱總署爲洋務總匯之區請就已經考取章京正途出身人員擇派參隨俾得先期閱歷一節查臣衙門  
章京向有調派充當參贊者應如所請嗣後於已經考取及已經傳補之章京內擇其才識通達者隨時  
由臣等酌量選派前往襄辦交涉事宜以資臂助又原奏內稱遣使駐紮歲糜巨款請飭下臣衙門明  
定限制一節查出使參贊隨員人數向由出使大臣奏調遣派報臣衙門查核惟公事既有繁簡之別卽  
人數宜有多寡之分況出使各國程途爲遠川資薪水諸多繁費隨帶員數不可漫無限制致滋糜費上  
年二月間臣衙門奏減出使經費摺內曾令各出使大臣於所帶員弁人等有可裁減之處自行酌定以  
節冗費奉旨允准通行知照在案茲該大臣請定限制自係爲撙節經費起見查前出使英國大臣郭  
嵩燾奏帶人員摺內酌定參贊二員繙譯四員其餘隨員武弁醫生分別調派未經定數臣等公同商酌  
除各國各口應駐領事之處業經奏明商定有案毋庸連議增減外擬請嗣後使臣館中准設參贊二員  
繙譯二三員隨員二三員供事二員武弁醫生各一員其兼攝他國設有使館者准添參贊繙譯隨員供  
事各一員作爲定額不得再過此數俾一人得收一人之用庶費不多增功歸實際至所稱以游歷經費

併入度支一節查上年臣衙門請派出洋游歷人員章程內奏明於出使經費項下節省四萬餘兩以供派員游歷之資經費本不充裕故不得不限人數現在游歷人員尚未期滿回京是否實有制器通算測地知兵之選難以懸揣一俟游歷人員期滿後再由臣衙門酌核情形奏明辦理得旨允行○太和門災○癸巳上詣大高殿報謝○甲午賞通州王恕國等處粥廠米石○諭軍機大臣等鄭工指日竣事黃流全股北行直隸境內堤工應一律修防著李鴻章嚴督道屬文武各員認真經理以備不虞○諭慶裕等奏敬查永陵應修各工請派員勘估一摺永陵啟運殿等處應修各工均關緊要著派紹宜敬謹勘估○諭本月十五日夜間貞度門不戒於火延燒太和門及庫房等處所有本日值班之章京護軍等於禁城重地並不小心看守實堪痛恨著交刑部嚴行審訊按律定擬具奏值班之前鋒統領恩全疏於防範咎無可辭著交部議處○諭本月十五日夜間貞度門不戒於火延燒太和門及庫房等處經王大臣等督率官員弁兵等撲救止熄茲據各該衙門將救火各員開單由軍機大臣呈覽恭親王御前大臣博多勒噶台親王伯彥訥謨祜克勤郡王晉祺慶郡王奕劻軍機大臣禮親王世鐸額勒和布張之萬許庚身孫毓汶總管內務府大臣福錕師曾嵩申巴克坦布崇光睿親王魁斌鄭親王凱泰豫親王本格肅親王隆恩莊親王載弼怡親王載敦貝勒載瀅載澍貝子奕謨溥倫公貝勒榮頤載瀛載

澤奎瑛麟嘉光俗鎮國將軍溥侗毓慶宮行走翁同龢松莊孫家鼐南書房行走潘祖蔭徐邨李文田吳  
樹梅上書房行走徐曾澧王文錦李培元曹鴻勳王仁堪高釗中御前行走那彥圖瑪人巴圖爾那爾蘇  
符珍巴寶多爾濟濟克登旺庫爾阿勒坦堪雅克圖旺都特那木濟勒那蘭格堪勒察克達爾扎布多羅  
特色楞那木濟勒旺蘇克圖噶爾倫布喇特那巴咱爾得木楚克蘇隆貢桑土爾默特達木定扎布格楚  
克剛當黨準車楞喇旺多有濟特沁多特諾爾布扎那濟爾迪達瓦寧保圖瑪烏勒濟圖巴勒珠旺勒旺  
堪克津那木扎勒色丹巴保多爾濟御前侍衛德銘恩壽乾清門行走熙凌阿那蘇圖溫邁蘇誠厚載瀚  
載瀛載津博迪蘇墩喇布扎布旺喇克帕勒齊額爾齊木巴雅爾色賴那木濟勒旺保巴咱爾吉哩第喇  
什彭蘇克杜英固爾才布托果瓦陀候賓巴雅爾瑪什第堆代扎布扎木薩林扎布布彥巴里克齊  
巴克默特多爾濟格楚克扎木蘇阿肯爾扎那色旺諾爾布泰保貢桑諾爾布啟朗瓦爾凌端噶布色丹  
旺堆花連色丹那木扎勒車林呢瑪乾清門侍衛謙光德隆佛佑愛隆德洪阿裕理志鈞玉書展音阿德  
壽都凌阿全福瑞啟伊薩布慶生良泰成安伊立布文啟崇蘭諾欽泰文璞中勒洪阿倭立布富陞忠清  
阿色清額靈綸泰全山散秩大臣果勒敏委散秩大臣英俊定昌予告大學士寶鋆大學士恩承尙書錫  
珍徐桐奎順李鴻藻烏拉喜崇阿麟書崑岡左都御史松森都統榮祿德福扎拉靈阿侍郎許慶琳熙敬

敬信曾紀澤續昌文與廖壽恆崇禮桂全薛允升賈恆徐用儀慶福興廉署侍郎徐樹銘副都統容貴秀  
吉恩佑希拉阿希隆阿桂祥芬車長春明安福森布明秀色曹徵額明秀富森布嵩山尚昌懋貴恆花尙  
阿克勳耆齡柏英內閣學士豐烈霍穆歡前大理寺卿沈源深太常寺卿徐致祥順天府府尹高鳳鵬奉  
宸苑卿海緒武備院卿文懋鴻臚寺卿李端遇太僕寺少卿奎煥錢應溥內閣侍讀學士溥賢郁三德通  
政使司參議顧堃岫光祿寺少卿景澧徐承煜詹事府左庶子溥良欽天監監正恩明右監副土青照太  
醫院左院判莊守和福州將軍希元秦寧鎮總兵懷塔布山西布政使張山暨輪詹科道軍機章京各部  
院衙門司員各旗營侍衛章京等到者甚多實屬勤奮出力深堪嘉尙其隨同救火之神機營兵丁步軍  
統領衙門兵丁拜唐阿護軍官役蘇拉人等著各該衙門查明人數每名賞銀二兩水食十五處著賞銀  
一萬兩各本廠匠夫等著賞銀一千兩受傷兵匠數名每名加賞銀十兩以上所賞銀兩均著戶部給發  
由步軍統領衙門等查明給領以示獎勵火災示警深宮祇懼實深惟有寅畏天威益加修省於一切政  
事不敢稍涉懈弛爾大小臣工亦當仰體朝廷兢惕之懷精白乃心勤修職業以彌災異而迓祥和將此  
通諭知之○乙未李鴻章奏永定河合龍請將淮練各軍給獎下部議奏○丙申鄭州河工合龍○賞慶  
裕修墓假兩月○諭翰林院侍講崔國因奏親政伊爾謹獻劄苑一摺所陳典學用人崇儒三端語多可

採著將原摺鈔交毓慶宮用備省覽○丁酉欽奉 慈禧端佑康頤昭豫莊誠皇太后懿旨本月十六日  
貞度門不戒於火固屬典守不慎而遇災知儆修省宜先所有頤和園工程除佛宇暨正路殿座外其餘  
工作一律停止以昭節儉而迓庥和○欽奉 慈禧端佑康頤昭豫莊誠皇太后懿旨余聯沅屠仁守等  
洪良品等奏請停辦鐵路摺三件徐曾滄等摺內請停鐵路一條著海軍衙門會同軍機大臣妥議具奏  
○戊戌欽奉 慈禧端佑康頤昭豫莊誠皇太后懿旨翁同龢等奎潤等游百川文治奏請停辦鐵路摺  
四件片一件著總理海軍事務衙門會同軍機大臣歸入余聯沅等摺件一併妥議具奏○戊戌命林維  
源幫辦全臺開墾撫番事宜○賞祁世長病假一月○己亥賞水會十五處銀一萬兩並獎各會首事沈  
永泉等○庚子 上諭 時應宮行禮○御紫光閣閱習撲營員時賜蒙古王公等宴○調恩光爲正白  
旗漢軍副都統柏英爲伯都訥副都統容光爲正藍旗漢軍副都統富森布爲福州副都統○頒給江西  
安義縣 龍神廟匾額○諭兵部奏遵議武關外塲酌展限期一摺武關外塲本有風雨展限之例近科  
應試人數增多卽不過風雨原定日期亦形匆促自應酌展限期俾得從容校藝著照部議嗣後順天武  
鄉試及會試一律展限二日九月會試十月鄉試均於初五日開考十三日將挑取人數出示曉諭其兵  
部題派日期均著以次遞推餘依議○辛丑朱洪章病請解任允之以吳洛安爲雲南鶴麗鎮總兵○諭

兵部奏遵議處分一摺前鋒統領恩全著降一級調用再罰俸一年不准抵銷○以懷塔布爲盛京禮部侍郎○以志元爲泰寧鎮總兵兼總管內務府大臣○以巴克坦布爲左翼前鋒統領調桂祥爲正黃旗護軍統領以崇禮爲正紅旗護軍統領○訓濟安爲正黃旗滿洲副都統景善爲鎮紅旗滿洲副都統以愛隆爲鑲藍旗蒙古副都統○命德福管理嚮導處事務載漪管理健銳營事務○以謙光爲鑾儀衛鑾儀使奕謨爲十五營射大臣○諭都察院奏正藍旗漢軍文生書國以民人冒入旗籍巧取科名等詞赴該衙門呈控據稱本年順天鄉試中式舉人恩麟並上年考取武生有芳本係直隸青縣民人冒賺旗籍請飭查辦等語案關冒籍倖進虛實均應澈究恩麟有芳均著刑部傳提審訊據實具奏原告文生書國並著該衙門解往刑部備質○諭軍機大臣等有人奏前出使大臣徐承祖貪劣使欺列款糾參請飭查辦當經諭令總理各國事務衙門詳細查核茲據該衙門奏稱分別行查戶部南北洋大臣出使日本大臣嚴密查覆業經先後覆到原參徐承祖各款中以浮冒銅價及浮開運費爲最重李鴻章覆函及黎庶昌咨覆內所稱各節顯有浮冒情弊等語徐承祖經朝廷特簡派令出使日本復以部局需用銅斤費成購辦宜如何潔己奉公核實經理乃竟營私肥己種種侵漁卽就銅價一項而論據黎庶昌所查已浮冒銀三萬餘兩之多其餘運費餘銅各節均有弊竇似此牟利妄爲行止貪鄙實堪痛恨二品頂戴候選道

徐承祖著先行革職聽候查辦並著曾國荃飭派委員前往六合縣將該革員原籍財產嚴密查封備抵所有浮冒銀數究有若干及其餘被參各款均應澈底根究卽派曾國荃飭提徐承祖到案確切研訊定擬具奏隨員中如有應行質訊者著分別咨調俾訊其因買銅出力保舉十五人之案並著先行撤銷原參摺單各一件總理各國事務衙門摺一件均著鈔給閱看○諭潘祖蔭高萬鵬奏革生霸種官圈地一案請交直隸總督提訊等語武清縣已革武生楊雲鵬種官圈餘地業經內務府會勘明確應放違抗不遵迭次砌詞牽控並有不服審訊情事殊屬刁玩著李鴻章督飭臬司提案嚴訊定擬具奏○壬寅

上御中正殿閱送巴幣○甲辰頒給山西忻州 關帝廟 城隍廟臨晉縣 風神廟 城隍廟寧遠縣

龍神廟匾額○乙巳禘祭 太廟○吳大澂倪文蔚奏查鄭工東西兩壩進占日期迭經 等遵 旨

隨時電奏並於十一月二十九日將合龍已有把握情形據實奏 聞在案自十二月初一日以後金門

外積凌甚厚一時未能融化察看河流微弱水勢未必接高旋長旋落誠恐引河頭攔黃埝外或流水壅塞致有阻滯之虞因於初十日趁天氣和暖之時卽將引河開放是日申刻正溜卽由金門北面分道東趨河槽刷深至一丈四五尺間有涸凌凍結水面尙無妨礙一面督飭兩壩文武員弁晝夜趕辦議將西壩上邊壩原定兩占丈尺併作一占以期迅速東西兩壩門占已於十二月十四日一律告成均已堅實

高整十六日挂纜後躬率在工文武沈玉祭河七十八兩日正壩上邊壩同時合龍已於十九日閉氣下邊壩料物亦已齊備卽於數日內趕成加築後戩益臻穩固臣等仰秉 宸謨獲邀 神佑得以尅期奏績藉慰 朝廷宵旰之慮幸稍免於罪戾臣大澂接辦以來經營四月有餘大工始克告竣而事當創始規畫尤難追念前功皆前督臣李鴻藻前河督臣李鶴年成孚協同趨辦之力臣不敢掠美自居李鴻藻等種谷於前臣等收功於後雷霆雨露莫非 君父之生成所有李鴻藻李鶴年成孚前後處分應如何加恩之處出自 聖裁臣等不敢沒其勞苦之忱其餘在工員弁擇其勞績最著者開單奏請獎敘仰懇 天恩俯念鄆州大工堵口五百餘丈之寬歷時一年之久工程之艱鉅爲歷屆所未有隨工差委各員寒暑無間辛苦備嘗擬請照異常勞績隨摺保獎四十四員此外在工出力各員弁應俟臣查明擇尤酌保再行奏懇 恩施記名提督河北鎮總兵崔廷桂承挑引河並築挑壩並在壩頭照料進占事宜不無微勞足錄惟係專閫大員應如何獎勵之處臣未便擅請伏候 聖裁再搶辦埽占落水捐軀及在工積勞病故員弁擬俟查明彙案奏請 恩卹合併聲明 上諭本日據吳大澂倪文蔚馳奏鄆州大工合龍日期一摺鄆州大工自上年十二月興辦堵築本年七月間因兩壩屢有盤陷未能尅期蒞事諭令吳大澂署理河東河道總督前往接辦節據該署督將辦理情形隨時奏報至本月初十日開放引河河溜



卽由金門北面東趨一面將東西兩壩工程晝夜趕辦於十六日挂纜十七十八兩日正壩上邊壩同時合龍十九日金門斷流全溜悉歸正道大工一律堅固此皆仰賴 天神默佑得以迅速竣工慶幸之餘僭深寅感曷去大藏香十枝著吳大澂虔赴工次各處河神廟代朕敬誦祀謝以答 神庥吳大澂自受任以來迅速事機實心籌辦會同倪文蔚督飭在工員弁認真遵辦使大工副期告成洵爲不負委任吳大澂著賞加頭品頂戴補授河東河道總督倪文蔚著開復革職留任處分賞還頂戴仍著交部從優議敘李鴻藻雖經獲咎於前惟所辦之工均屬穩固現在全功告成自應分別施恩李鴻藻著開復革職留任處分賞還頂戴成手著加恩釋回以按察使候補李鶴年著加恩釋回並賞還銜翎前山西布政使紹臧前山東按察使潘駿文留辦工並著交部從優議敘所有合龍後一應善後事宜吳大澂等務當督飭員弁妥協經理以期隄防鞏固永慶安瀾餘著照所議辦理該部知道單一件片三件併發○丙午命載津恭懋 聖容載澍恭收 聖容奕劻恭代行禮○諭吳大澂等奏神靈顯應請頒匾額並加封號一摺河南偃師縣 黃大王廟夙著靈異此次鄭州大工經吳大澂等派員致祭並恭迎神像至來童寨供奉自此河流日順開放引河日正流衝開冰底自入引河不致爲積冰所壅塞得以剋期蒞事仰賴 河神佑助實深寅感卽照所請於金門工次建立 河神廟並專建 黃大王廟著內書房翰林恭書匾額

各一方交與大激等敬謹懸挂以答 神庥至請加 黃大王封號之處著禮部議奏另片奏覽將軍履著靈應請加封號等語著該部一併議奏○是年統計出口貨直銀九千二百四十萬一千六百七兩進口貨直銀一萬二千四百七十八萬二千八百九十三兩相抵虧三千二百三十八萬一千八百二十六兩凡徵貨稅銀二千三百十六萬七千八百九十二兩

中華續錄

光緒九十三

臣朱壽朋敬編

臣汪錫增恭校

光緒十五年己丑春正月丁未朔 上詣 泰先殿 堂子行禮詣 慈寧宮行禮 御太和殿受賀中和殿受禮詣 大高殿 壽皇殿行禮○戊申諭劉錦棠奏懇恩展假回籍省視祖母一摺覽奏情詞懇摯自應准如所請劉錦棠著山賞假六箇月准其回籍省視祖母卽行回任以專倚畀甘肅新疆巡撫著硃光祿暫行署理○己酉額爾慶阿奏遊擊劉克居心險詐請革職得 旨如所請行○庚戌 上詣

天壇行禮○以劉瑞芬爲廣東巡撫○緩徵山東被水被旱被蠲被沙各州縣本年上忙錢糧○諭升奏奏仁了察木多兩部擄戮一案遵旨辦理完結請將該呼圖克圖及出力員弁獎敘一摺光緒四年間仁了番人以全隊圍攻察台焚燒擄掠兩部人衆擄戮已多年經升泰督飭委員再三開導諭令仁番將擄去各物退還並繳贖銀兩謝罪後經升泰賞給察番銀一千兩已據該兩部呼圖克圖稟報完結辦理尙爲妥協在事出力之四川補用直隸州知州拉里糧員嵇志文著賞給四品銜察木多帕克巴拉及倉儲巴羅布策旺深明大義忍辱取衆不至別生事端且能於該部被兵之後竭力照常當差毫無貽誤殊屬

可嘉靖連禪師察木多帕克巴拉呼圖克圖額爾德尼阿旺洛桑濟克美丹貝堅參著南書房翰林繕寫  
圖額一方賞給祇領以示優異察木多詔爾漢倉儲巴羅布策旺著賞加紮薩克名號新任倉儲巴噶桑  
雲墊調和兩部甚爲得力著賞給達喇麻名號把總張文元著在任以千總用字誠劉潤鍾元善均著以  
從九品歸部選用以示鼓勵餘著照所議辦理該衙門知道○辛亥祈穀於上帝○升泰奏奴才自六  
月十六日奏報起程於拜摺後卽刻出藏二十三日行抵江孜沿途迭接洋人來信既云派兵修路又云  
現欲移營奴才探得印兵修路直至咱里山距仁進岡僅三十里又云欲移營稍暖之地甚恐彼族移營  
藏境則藏番又有藉詞當遣署江孜守備賴占先星馳先赴洋營察其舉止奴才旋即由江孜卸換夫馬  
取道南行此路爲向來駐藏不經之地民戶寥落地冷山荒亂石中有鳴耶錯海氣候返寒沿海而行怪  
風竟日沙氣迷天並無居民夜則插帳海邊漢兵郭宗揚周明岐馬登科均在行帳相繼凍斃隨行官兵  
面無人色雪花如掌每過大山深處動輒丈餘行者罔不惕慄雪峯遙望勢若連城卽秦西所謂天下第  
一高峯焉馬來山之枝幹也沿途因卸換夫馬處所必有延候於十一月初十日已馳出帕克哩隘外三  
站之仁進岡藏兵尙有萬人駐紮於此奴才飭令速撤該番官等回稱以駐藏大臣尙未與洋官晤面事  
在未定弗敢遽行撤回惟有遵諭退紮數十里之靈馬湯地方以觀動靜奴才當將帶來土兵紮於仁進

岡即在印藏兩營之中距洋營前哨僅四十餘里聞英官保爾於十三日到營已遣通事前來約期相見  
奴才約彼十九日在納湯地方相晤熟商妥議一俟稍有端倪即趕緊設法飭令藏兵分起還歸以仰副  
聖主決策綏疆之至意惟聞洋營印兵現在撤換時中似有增添又聞有新到象隻駄運大礮而哲孟  
雄部長匿處扛多只遺其弟云稱本欲來見却爲印兵禁阻等語察其隱衷無非首鼠兩端之意且一面  
之詞必須與英官會晤後始能識其真偽如何情形再當陸續馳奏一面摘要遵 旨飛咨劉秉璋先行  
電陳以冀上紓 宸廑報聞○癸丑以譚上達爲喀什噶爾提督董福祥爲阿克蘇鎮總兵○申寅升泰  
奏奴才於仁進岡營次已將到邊日期由驛奏報茲於十九日到納湯因英官保爾堅請奴才紮於對邦  
以便議事即提營紮於對山相距英營不及半里獨脊嶺已在目中據英官保爾面稱哲夷與印度互相  
立約已二十七年應由印度保護本年既與藏番交鋒不難長趨直入因重邦交是以駐兵靜候辦理初  
則欲向藏番索取兵費奴才答以哲夷向爲藏地屬藩從前印哲立約並未准印督照會藏番亦未赴印  
度地方滋事索費實屬無名然其義仍重在通商惟洋營通事漢語不清詞難達意藏中僧俗番官隨奴  
才到邊者自噶布倫以次大小三十餘員均紮仁進岡不敢遽到洋營相近之地通商一層尙須飭令委  
員竭力設法開導以期邊事又安如能稍有端倪再爲格遵 前旨咨呈總理各國事務衙門覈定請

有邊辦以免墮其術中萬不敢冒昧從事若藏番始終固執英官恐遽難退兵緣對邦營壘既現有兵數千聞山後亦尙不少對邦大興土木建屋築壘不知意之所在此後如何情形再當續陳得 旨知道了赫政到邊通詞較易所有商辦情形隨時摘要電聞○中寅張曜奏河運未能久停請改撥海運漕米二十萬石仍歸河運下戶部速議具奏等部覆議准得 旨飭部照辦○長順恩澤奏制錢爲民用之常楮幣補闕法不逮果使到處流通物價稱平民用利賴又何不可如各省之行使錢票極濟一時也吉林省城一隅則不然獨使抹兌錢帖立名最巧其弊最深實不能以楮券作錢較宋之交子會子尤爲虛幻值千累萬過帳而已前任將軍銘安曾經奏請嚴禁 奴才長順自受事以來念此弊端不知終極因與 奴才恩澤往復籌商再徧詢十旗協佐及道府各官竊維不便允宜乘時重爲申禁以紓軍民之困用敢爲我 皇太后 皇上敬陳之查抹兌所由起因街面往來過撥取便一時浸假至於今日散布既多奸商視爲利藪憑空賺取一人作俑人人效尤不問資本多寡皆可發出抹兌坐實以空紙買銀買貨可獲無本之利悉將現錢捐勒秘藏行商見省城銀貨昂販運恐有虧賠又將現錢連而往因此城中現錢異常支絀物價異常騰貴而兵民交困無如吉林官兵俸餉向就本地徵款查抵春秋以八成折放照章已不能滿結今所徵燒鍋票七釐捐均係抹兌其價中錢四千數百文易銀一兩以上搭放兵餉俾照報

部章程以中錢三千計算作銀一兩已折耗一千數百文之多各城向不使用省城抹兌祇得照市價易銀攜回及回城後再以銀易錢其銀價低於省城又多一層耗折轉轉貼貼悉歸商人中飽又鄉民駝運糧米入城非換抹兌竟無售處換後攜帖回鄉又無用處及至百計兌活賠折已多最苦貧民樵薪販草入城求售遠來腹餒欲覓數十文現錢買餅充飢亦不可得抹兌之弊至於此極現已出示嚴禁飭飭戶司協領及道府等公同會議妥定章程傳諭各鋪商核減銀價務使現抹歸一併覓以限期准將各鋪所出現錢帖票暫付二成現錢其餘八成仍以他鋪錢帖票搭付至明年三月以後永遠不准再有抹兌過帳名目惟初經改章外路之錢一時未能還集而街面現有之錢未免不敷周轉雖經前任將軍希元奏請就地籌款開鑄鼓鑄無如銅維艱鑄錢不易仍屬緩不濟急伏查吉林防餉每年四次赴部請領練餉每年二次赴部請領擬請嗣後每次領餉無論防餉練餉俱由部庫劃留銀一萬兩照吉林發放俸餉章程每兩折給中錢三千文在部庫折發制錢飭交委員隨同餉銀一併承領仍由兵部照例撥車解回吉林抑或由內地鑄錢省分能通海運之處照數指撥附輪船運至奉天營口再由陸路起解尤為捷便得此搭放各隊藉資周轉則兵有制錢不至受鋪商勒捐此錢仍在本地流通於民亦有裨益奴才等為一時權宜起見合無仰懇 天恩俯念吉林現錢支絀 特准所請俾得革除積弊以便兵民此後當體

察情形如一年後城中現錢漸見充裕即奏請停止或仍難周轉再請通行頒發庶救弊補偏副聖  
主培植根本之至意下戶部議奏○乙卯以張俊爲甘肅西甯鎮總兵○張曜奏請撥嵩武軍月餉下戶  
部議奏○衛榮光奏查明各屬荒產並新墾田地請將地漕等項分別蠲免允之○衛榮光奏查明各屬  
災歉田地請分別蠲緩地漕允之○丙辰時享 太廟 上親詣行禮○雲○陳彝奏合肥等處被旱辦  
賑得 旨覽奏均悉著督飭各屬核實散放毋任稍有弊混○陳彝奏壽州知州王鼎臣降調請免開缺  
下吏部議奏○譚鈞培奏查民間竊盜案件獲犯到官無不分別罪之大小按律懲辦乃濱省鄉民愚俗  
凡有禾稼果蔬被竊一經拿獲並不送官究治不關罪之輕重輒積薪成堆將人網置其上勒令親屬先  
出給甘心字據復逼令自行舉火活燒斃命使其後日不敢告發名爲牛叢會忍心害理實屬聞所未聞  
此風起於兵燹之時承平後迭經各督撫出示嚴禁而鄉僻錮習猶未能除甚有損折一草一木並非竊  
賊而挾嫌栽誣亦復動經燒斃者若不嚴加懲創何以維教化而保民生上年八月據曲靖府屬之尊甸  
州署知州萬春稟報拿獲民人彭兆榮呂方活燒彭兆升身死一案當經 臣批飭提省審辦旋據報彭兆  
榮在監病斃委員驗明屬實茲據接署王國江將呂方解省發委雲南府桂霖審明擬議解經臬司鄧華  
熙復勘轉解前來 臣親提研鞠緣彭兆榮呂方均籍隸該州與已死彭兆升同村素識無嫌彭兆榮係彭



兆升連房族人光緒十三年七月十一日傍晚彭兆升赴地看守包穀路經呂方地邊順手攀取包穀呂方瞥見聲喊彭兆升丟棄跑走呂方將包穀拾回向地主彭兆榮告知彭兆榮起意將彭兆升捉獲照牛鞭會焚斃呂方應允卽於次日一同往告村中有以包穀細事勸阻者不聽十三日彭兆榮呂方將彭兆升尊禮綁縛至家彭兆升之母彭徐氏央同族衆趕往求饒願將家產充公作罰彭兆榮呂方堅執不允且逼令彭徐氏出給字據聲言如不出字母子一併致死彭徐氏被逼畏懼卽央不識姓名過路醫生寫給彭兆榮呂方卽在村外白摺塘空地堆積柴薪十四日午後將彭兆升網住拾放柴上逼令彭徐氏引火燃柴登時將彭兆升燒斃彭徐氏乘隙入城報經前署該州萬春勘驗獲犯稟報提省委審解勘臣親提覆鞠據供不諱伏查乾隆十五年四川省奏准成案川省團練攬斃人命如有活爲燒斃者照採生折罰間擬又律載採生折罰人者凌遲處死爲從加功者斬等語此案彭兆榮呂方因彭兆升經過地邊順手包穀將其網獲活燒斃命且始逼其母出給字據嗣逼其母自行燃柴活燒其子其滅絕天良恣行狠毒實較採生折罰爲尤甚大理所不能容若不明正典刑鄉民習以爲常於風俗人心大不堪問亟宜嚴辦辟以止辟除罪應凌遲首犯彭兆榮業已監斃外呂方一犯應照採生折罰爲從加功者斬律擬斬立決臣於審明後未便拘泥卽批飭將該犯正法一面錄案通飭各屬出示曉諭嗣後再有活燒斃命之案

照此嚴辦俾民間觸目警心共知戒懼火烈死鮮牛叢會愚習從此或可禁絕下刑部知之○己未以達木宜扎布爲理藩院額外侍郎○冥近支王公於乾清宮○諭慶裕等奏恭勘 永陵應修各工請派員勘估一摺 永陵四牌樓等處應修各工均關緊要著派縣官就近敬謹勘估○諭慶裕等奏查勘 福陵應修工程請擇吉興修一摺著欽天監於本年三四月內選擇吉期先行知照卽著順天將軍會同工部侍郎屆期敬謹興修○庚申 上詣 奉先殿 壽皇殿行禮○命載澤恭詣 慕陵致祭○辛酉 上詣 大高殿 壽皇殿行禮○以張之萬爲大學士徐桐以吏部尚書協辦大學士孫毓汶爲刑部尚書○海軍衙門軍機處會奏光緒十四年十二月二十日欽奉 慈禧端佑康頤昭豫莊誠皇太后懿旨余聯沅屠仁守等洪良品等奏請停辦鐵路摺三件徐會澧等摺內請停鐵路一條著海軍衙門會同軍機大臣妥議具奏欽此二十一日欽奉 慈禧端佑康頤昭豫莊誠皇太后懿旨翁同龢等奎順等游白川文治奏請停辦鐵路摺四件片一件著總理海軍事務衙門會同軍機大臣歸入余聯沅等摺件一併妥議具奏欽此海軍衙門查前於請修津通鐵路摺內曾將一切簡捷有利萬無假人之慮各情形詳陳在案溯自往年法越事亟糧阻財匱籌措維艱幸諒山一捷 國威遠播適值英人出爲調停臣奕譞等奏懇 允准以紓兵力財力並於 召見時陳奏從此改弦易轍力圖自強實效以備不虞彼時臣奕譞

卽慮及近年言事陋習畛域太分事急惟相緘默事過則復吹求當經詳細面陳仰蒙 恩允作主飭令次第推行是以籌款購械以立海軍調艦會師以巡海防因海岸之綿亙也始議設鐵路以省兵因鐵路之經費無出也再續津通之軌以養路一氣貫注無一泛文天津通之路非爲富國亦非利商外助海路之需內備徵兵入衛之用一舉兩益所關非淺乃議者不察底蘊不相匡助或信道聽塗說或竟憑空結撰連章論列上瀆 天聽詳閱各原奏所慮各節綜而約之大抵皆 臣等所始籌商問難所及者敬陳其略上慰 慈慮一曰資敵竊維敵乘我路必須用車運載將奪我車歟分布既齊車已收回無可奪也將用彼車歟少則無濟於用多則船不勝裝且海口既塞攔沙水淺萬餘斤之車不能達岸卽使聽其所爲亦須妥設起重木架始能挽運豈有如此從容辦擋我軍尙作壁上觀耶議者又慮及礮車是於輪車之軌若何窄礮車之制若何寬全不知悉以意揣測耳無論彼時鐵軌已撤地雷已伏萬無假人之慮卽彼果肆長驅自有素無險要之通衢可循何必定由此路咸豐庚申之變亦豈鐵路被乘兵力苟強自能禦敵議者徒誦設險守國之陳言亦思地利人和之聖經乎一曰擾民 臣奕訢始議建設鐵路卽與 鴻章反覆討論以避民間慮舍邱墓爲最要不獨津通鐵路爲然卽唐山之至大沽大沽之至天津亦莫不然偶有一屋一墳關礙大勢萬不能避則給以重價諭令遷徙務恤民隱而順輿情以仰體 朝廷子

惠黎元之至意查津通鐵路奏文後止於上年十二月初一日有天津民人王有慶赴鐵路總局呈遞求  
讓菜園呈詞一紙又於十二月初十日有天津候補訓導于世榮赴天津道署呈遞求讓墳前餘地呈詞  
一紙均由天津道縣詳細酌商遴讓此外並無別案亦無向直隸督署呈遞呈詞之人臣等又慮及天津  
呈詞雖少或者向通永道署呈訴實如李鴻章等所稱亦未可知復札飭通永道令其查明據詳復旋於  
本年正月初二日接准該道詳稱鐵路公司自通州南關外勘路起立標灑繞取道武清縣屬之楊村等  
處至天津縣交界止所過田廬墳墓各地主並未有一人一詞赴該道署具呈申訴實無接收多詞置之  
不理情事等因而建言者乃云民間因立限遷墳百姓呈訴有二三百起之多呈詞中墳墓在千起以上  
而不思現在地未定準訴從何來是直藉傳聞失實之事爲危言聳聽之詞矣一曰失業天下萬國地形  
不同風俗殊異而趨利避害人情之常西洋之人趨避尤工使鐵路而利少害多則斷無各國相率興建  
之理諸臣摺中所論鐵路利害猶是懸揣之臆說耳不惟所舉之害實非實在情形即其所指之利亦未  
必恰當事理西洋各國初造鐵路之時亦有異議蜂起斷斷駁詰彼之持異議者則並非懸揣之臆說大  
抵皆能臚列有形之實事以相問難如原有馬車手車牛車鹿挽之車若干輛坐船帆船行輪駛之船  
若干艘御車駕船昇挑負載以餬其口者若干名家屬婦孺老幼殘疾藉此事畜之資以全其生者若干

戶口細計之析錙銖總括之成億萬連篇累牘以與議建鐵路之黨往復爭持宜若可勝矣而議建鐵路之黨備陳情勢條分縷晰使大眾咸能瞭然於鐵路之利多而害少利久而害暫於是異議之黨無可置喙而鐵路興也始則試造繼則推廣而國計與民生遂已交受其益鄉之持異議者早已自悔其前說誤賀新路之成而恨建路之晚矣鄉之御車駕船舁挑負載之徒鯁鯁然以失業爲慮者或仍操其舊業或投効於鐵路公司而改習職業矣修路掃軌升旗聽電收票驗座查票敵輪運煤添水搬貨物運行李賣新聞販茶果伺應店客巡察棧貨事務繁多種種需人何仍有失業之民非徒不失業而已民之生計且因之而益廣乃更裕於未興鐵路之時德國自有鐵路以來陸續添開運河十三道法國自有鐵路以來陸續添開運河九道則水路生理因鐵路而更旺鐵路無害於駕船之業可證也英國倫敦都城自有鐵路以來城中陸續添設單馬坐車八倍於前他車棧是他城棧是則陸路生理因鐵路而更旺鐵路無害於御車之業可知也蓋南北有鐵路則南北往來之御車駕船舁挑負載者稍減而東西之御車駕船舁挑負載以橫赴南北鐵路趕趁生理者轉增東西有鐵路則此減彼增之情形與南北亦正相似鐵路如幹橫赴如枝幹盛而枝茂鐵路興而生計廣西洋各國之所同然中國何至遽相反耶諸臣摺中所稱鐵路之害不外資敵擾民及奪民生計三端臣等深知其論未當不得不辨亦有舉西洋之事以爲證者或

依稀影響或毫無根據在進言者謂博問旁采之才爲推波助瀾之筆雖屬無足重輕然耳食之言易致誤事傳播外國貽笑堪虞是亦有不得不辨者如謂英法海底鐵路不成爲西人不建鐵路之證此依稀影響之談也夫於大海水底開洞以通鐵路豈可與尋常鐵路同日而語水力所壓難成易毀集股者觀望經手者因而游移中止之故實不因英將吳爾思禮一人之言也又言英法諸國與俄人商造鐵路以通商貨俄恐利爲人奪決意不開等語此毫無根據之言也英法與俄國壤地並不相接其商貨往來南則由瑞士國鐵路經過奧國鐵路以入於俄北則由德國鐵路經過已廢之波蘭國境內鐵路以入於俄英法與俄何嘗無鐵路可相通哉俄之鐵路密如蛛網四通八達又復逐漸推廣何嘗有所畏而不敢開有所忌而不肯開之說哉歐羅巴亞細亞兩洲間之國鐵路較少者惟土耳其與波斯耳該兩國皆力弱而勢微堂堂中國豈可與之比擬至於傳教之禁久開洋人布滿京都何計乎窮鄉僻壤華洋之防久徹風氣徧於大地更難論上古先朝此又易明之理不待剖析者也又如外洋以商賈爲重中國以耕讀爲重是固夫人皆知然而不重商賈可也軍事亦可不重乎不講營運可也轉輸亦可不講乎方今環球諸國各治甲兵惟力是視其往也非千羽所能格其來也非牛餽所能退至視中華之強弱爲相安相擾之樞機臣等創興鐵路本意不在效外洋之到處皆設而專主利於用兵不僅修津通之路而志期應援

全局誠能於江南趙北關東陝西各設重兵各安鐵路則車行萬里無胼胝之勞糧運千倉有瞬息之效  
緩急相助聲氣相通而且容是隊伍可撤可併浮濫餉乾或裁或節此專指陸戰而言也此外顧而易見  
之利尙有兩端沿海設防固須有精練之水師而後能戰尤賴有精練之陸師而後能守 聖朝幅員廣  
大超越前古如欲令沿海各省遠處皆屯重兵即使財賦所入足資供給設敵以偏師相擾我卽須全力  
因應長年不休何以堪此有鐵路則運兵神速畛域無分糧餉煤械不虞缺乏主靈而客鈍守易而攻難  
首善腹地有三五支精練大軍直與沿海遠處皆屯重兵者無異誠禦侮之長策亦持久之良圖此兼及  
防海而言也利一河運日滯海運多險因循不變則天庾正供或有偶然窒礙之虞有鐵路則舉重若輕  
霎時千里風雨無限晝夜可行奸僞無所施沈失無可慮歲豐則積儲無缺歲歉則賑濟易辦此兼及河  
路而言也利二至於通貨物銷礦產利行旅便工役速郵遞利之所興難以枚舉言者乃云是臣下之利  
非 君上之利是外洋之利非中國之利是一二人之私利非千萬人之公利豈非顛倒是非乎議建鐵  
路忽然中止顯然之害亦有一端主見不定朝令夕更外洋譏誚固無足論海上鐵路失此資助恐難久  
存過事分防抵禦岸長兵少設有疏失咎將誰歸且已成之功無端廢棄虛擲款項失信商民繼此再興  
他事難於招徠害一津沽鐵路前因力催趕辦曾借洋債百餘萬兩罷津通之路則商情畏阻斷難再招

商股以清洋債而是非辦理不善亦無可著落賠償勢須戶部動撥正款以有用之財擲無用之地較昔年江蘇以重金購吳淞鐵路毀而棄之任其鏽蝕者尤爲失算害二言者之論鐵路乃云即使利多弊少亦當立予停止此等所甚不解也現當大婚歸政舉行在即禮儀繁重諸賴慈慮親裁臣等以本分應辦之事若與局外浮議屢事牴牾曉曉不已以致重煩披閱實非下悃所安而關係軍國要務又不敢爲衆咻牽制遽萌退諉之志惟有將臣等所見所聞確切可查之事據實臚陳伏乞聖鑒至於事關創辦本屬不厭詳求然局外浮談恆多失實查防務以沿江沿海最爲喫緊各該將軍督撫利害躬親講求切實可否將臣等此奏並廷臣各原奏發交各該將軍督撫按切時勢各抒所見再行詳議以聞屆時仰懇聖慈折衷定議尤爲審慎周妥以上所陳臣奕譞與臣世鐸等函商面議意見相同謹合詞恭摺覆陳欽奉慈福端佑康頤昭豫莊誠皇太后懿旨前據總理海軍事務衙門奏請由天津至通州接修鐵路當經降旨允准嗣據御史余聯沅等先後奏請停辦鐵路均諭令總理海軍事務衙門會同軍機大臣妥議具奏茲據會商籌議逐款臚陳詳加披閱所陳各節辨駁精詳數陳剴切其於條陳各摺內似是而非之論實能剖析無遺惟事關創辦不厭求詳在廷諸臣於海防機要素未究心語多隔膜該將軍督撫等身膺疆寄辦理防務利害躬親自必講求有素著定安曾國荃卞寶第裕祿張之洞崧駿陳彝



德馨劉銘傳奎斌王文韶黃彭年按切時勢各抒所見迅速擬奏用備採擇○壬戌命徐桐兼會典館正總裁○調孫家鼐爲吏部右侍郎徐用儀爲兵部右侍郎轉汪鳴鑾爲工部左侍郎以徐樹鉉爲工部右侍郎○賜大學士尙書於 乾清宮筵宴○張曜奏黃流由利津順入海沿河防守情形報聞○癸亥杭州將軍長營卒卹廕如例○調恭銳爲杭州將軍以依克唐阿爲黑龍江將軍卓凌阿爲瑯琊副都統○調唐樹枏爲陝西按察使裕祥爲甘肅按察使○諭惲親王奏因病請假一摺惲親王感患疾爲日已久實深慮念自應優予假期俾資調養惲親王著賞假一個月並派御醫駐守和李德壽前往診視王其營自珍攝安心調理以期早日就痊用慰眷系○甲子 上幸 皇太后壽惲親王邸視疾○乙丑世鐸奏奴才於光緒十三年二月二十四日奏懇 天恩開去軍機大臣差以符定制欽奉 諭旨覽奏具見仰忱皇帝南經親政前允王大臣等所請訓政數年正賴左右諸臣盡心匡濟該親王自入直以來夙夜在公深資倚任尤當體念時艱力圖報稱所請開去要差之處著俟數年後全復辦制再降諭旨欽此仰見 皇太后 皇上加以寵遇逾格裁成奴才雖至愚極隨自應恪遵 慈訓力圖報稱靜候 諭旨不敢再有洩陳惟是受 命以來又越兩年夙夜兢兢時深恐懼茲幸恭逢 歸政慶典 皇上親裁大政一切事宜歸復舊制奴才久參樞務無補時艱問心殊覺不安再四躊躇不得不重甲前請合無仰懇

天恩併准開去軍機大臣要差俾得循分趨公不至貽譏覆轍出自 高厚鴻施欽奉 慈禧端佑康頤昭豫莊誠皇太后懿旨禮親王世鐸奏再陳下悃請開去軍機大臣要差一摺覽奏具見敬慎之忱現在歸政伊邇皇帝躬親萬幾正賴左右輔弼之臣盡力籌維贊成郅治該親王自入直以來恪恭盡職機務悉臻妥協朝廷深資倚畀著照常入直毋庸開去要差之處仍俟數年後一切全復舊制再降諭旨○內寅懋親王世鐸親王例賜卹命其子奉恩輔國公載源承襲與勒並賞加郡王銜貝勒職滿賞假百日穿孝○上奉 皇太后幸懋親王府邸賜奠○丁卯以世鐸為宗人府宗令奕劻為宗人府右宗正晉祺為宗人府左宗正○嗣晉祺為鑲黃旗滿洲都統以嵩申為鑲白旗漢軍都統○命本格為閱兵大臣奕劻為管理行營事務大臣○以載敦為鑲黃旗滿洲侍衛內大臣以那爾蘇為內大臣○欽奉慈禧端佑康頤昭豫莊誠皇太后懿旨御史屠仁守奏歸政屆期直抒管見一摺據稱歸政伊邇時事方殷請明降懿旨外省密摺廷臣封奏仍舊皇太后聖鑒字樣慰恩披覽然後施行等語覽奏殊深駭異垂鑒聽政本屬萬不得已之舉深宮運籌前代流弊特飭及時歸政上符 列祖成憲下杜來世口實主持堅定用意甚深況早經降旨宣示中外天下臣民肅然共遵今若於舉行伊始又降懿旨飭令仍舊聖鑒披覽豈是出令未幾旋即反覆使天下後世視予為何如人耶況垂簾極宜之舉與 高宗純皇帝大

廷授訓政之典迥不相侔何得妄爲比擬至歸政後祇覲醇親王單衛良與督須徑達深宮醇親王密陳數條亦爲初裁大政軍國重要事件深宮定省可以隨時稟承並非舊爲典常使訓政之事永無底止該御史此奏既與前旨顯然相背且開後世妄測會議之端所見甚屬乖謬此事關係甚大若不予以懲處無以爲遏臆妄冒亂紊成法者戒肅仁守舊聞去御史交部議處原摺著擱○會國荃黃彭年奏臣等於光緒十五年正月初八日接准戶部電報徽山東巡撫奏請酌提漕米二十萬石改河運一摺初八日奉旨允准飭部照辦等因竊維河運爲國家經久之圖亟應遵辦督飭司道妥商趕辦旋據江蘇布政使田國俊蘇松督糧道景星稟稱本屆各屬起運漕米均已抵滬改辦河運諸多不及先後電覆戶部在案伏查江安河運米石業經截留辦賑蘇屬河運漕米十萬石自前撫臣崧駿奏奉諭旨改歸海運後各州縣陸續起運均已抵滬茲若驟提二十萬石由滬改歸河運其中實有窒礙難行者前兩屆蘇屬辦理河運先於冬令在高寶一帶購買米石以備次年二月開行上駛今已正月中旬一切均未預備斷非咄嗟可辦強而行之轉恐誤事或者謂各屬在滬之米卽由滬僱船改運要知徒陽運河淤墊已久去年雨澤稀少近查水勢深不盈尺不敷浮送疏濬時卽江北運河向辦河運亦係年前開濬蓄水非可立辦若將在滬之米飭屬變價趕赴江北一帶另購米以冀裝運較易而在滬之米驟飭變價其

價必賤江北一隅急切購米勢必瀕虞所費實繁無法籌貼至僱用船隻將近千號迷加遴選亦非旦夕可致又其次也臣等久思珍重天庾規復河運現值河流順軌山東一帶運道已通因勢利導正可卽時舉辦縱或稍有周折亦當力爲其難無如蘇省海運現爲已戍之局倉卒改途竟難措手與其貽誤於後曷若據實陳明惟有仰懇天恩俯准將酌提漕米二十萬石仍由海運俾資迅速俟本年冬漕再行遵照提前趕辦河運以期規復舊章得旨如所請行○戊辰李鴻章奏前在英國德國商廠訂造致遠靖遠經遠來遠鋼板鐵甲快船四號業將接帶回華出力人員奏保所有船政衙門派赴兩國駐廠監造及使館派辦船工出力員弁現准船政大臣出使英國德國大臣查明咨請保獎前來臣查此項鋼板鐵甲快船爲中國創辦海軍利器極關重要船政派往員弁連涉重洋數萬里於船身機器器械帆纜施工選料皆極精細研求不使操縱艱劣並考究各廠製造理法具有心得洵屬異常奮勉其使館所派之員稽查督率亦極認真自應分別酌獎臣謹查照上厝監造定遠等船並參酌接船准保成案擬將船政原派之不論雙單月儘先選用從九品曾宗濂張啟正林鳳鳳等均請以縣丞不論雙單月儘先選用並加大品銜升用都司留閩儘先守備黃戴陳和慶均請以都司仍留閩儘先補用並戴花翎五品軍功升用守備留閩儘先千總奕國安請以守備仍留閩儘先補用並戴花翎使館原派之知府銜甘肅候補直隸

州知州朱宗祥請俟補缺後以知府用刑部候補主事王詠寬請以直隸州知州不論雙單月儘先選用  
仰懇 天恩俯准照擬給獎以示鼓勵得 旨如所請行○欽奉 慈禧端佑康頤昭豫莊誠壽恭欽獻  
慈禧親王奕譞志慮忠純經猷罔違自垂嚴勵政以來深宮宵旰焦勞勤求上理王以一心一德宏濟艱  
難凡可以利國家安社稷者罔不綜攬大綱竭誠助助從前排立神機營規制整頓訓練日精近年創辦  
海軍運籌精密規畫周詳力破羣疑折衷一是其餘重大事件前席政指直抒忠肅仍復展恭寅畏翼護  
小心稽諸史冊所稱親賢重臣罕有倫匹現當歸政伊邇懋武酬庸允宜特沛殊榮益昭恩渥醇親王奕  
譞著賞給金桃皮鞘戎服刀一柄王所用弓刀均准飾用金桃皮並著賞給御許懋德嘉績圖額一方以  
示優異○欽奉 慈禧端佑康頤昭豫莊誠壽恭太后懿旨頃品頂戴花翎總稅務司赫德久辦洋稅精明  
切實事事盡心近來收數逐年加增確著明效歸政伊邇允宜特加褒獎以勵成勞赫德著賞給三代一  
品封典○欽奉 慈禧端佑康頤昭豫莊誠壽恭太后懿旨垂簾聽政以來軍機大臣朝夕論思恪恭匪懈  
每遇軍國重事指示機宜均能悉心區畫克慎克勤現在歸政屆期深宮數十載兢兢之懷可以稍釋實  
惟前後諸臣夙夜在公襄成郊治允宜特沛恩施以示寵眷禮親王世鐸著賞給御書果行育德圖額一  
方交宗人府從優頒敘大學士額勒和布著賞給御書百物行慎圖額一方張之萬著賞給御書進德修

欽賜額一方兵部尚書許庚身著賞給御書居德營俗匾額一方刑部尚書孫毓汶著賞給御書經德策  
哲匾額一方均交部從優敘叙前軍機大臣恭親王奕訢著交宗人府從優敘敘致仕大學士寶鋆著賞  
食全俸前大學士周馥經戶部尚書翁同龢禮部尚書李鴻藻工部尚書潘祖蔭湖南巡撫王文韶均著  
交部議敘原任大學士文祥桂良左宗棠協辦大學士沈桂芬戶部尚書沈兆霖禮部尚書李棠階工部  
尚書曹毓瑛都察院左都御史汪元方內閣學士景廉均著賜祭一壇該衙門知道○欽奉 慈禧端佑  
康頤昭豫莊誠皇太后懿旨有垂簾聽政以來綜攬幾斯宵旰無間軍機章京繙寫諭旨妥速詳慎不無微  
勞足錄現在舉行歸政典禮渥沛恩施該章京等應分別給予獎敘以示優獎現充軍機章京郎中如松  
著賞加三品銜內閣侍讀文英著在任以知府卽選通政司參議並卹著俟升任後以三品京堂開列在  
前員外郎文明著俟補郎中後在任以知府卽選內閣侍讀德克吉訥著在任以知府卽選郎中玉恆著  
賞給隨帶加二級主事桂春著以本部員外郎卽補員外郎奎華著俟補郎中後以知府卽選主事著以  
本部郎中卽補主事延祉著俟補員外郎後以本部郎中卽補郎中保廉著仍以知府儘先卽選員外郎  
齊齊額著隨帶加二級總辦著俟補員外郎後以本部郎中卽補主事特爾慎著俟補員外郎後仍以本  
衙門郎中卽補筆帖式和爾廣額著俟升補主事後以本部員外郎卽補員外郎多壽著以本部衙門叅

古郎中卽補志模賞加四品銜主事穆克登額著以本部主事卽補前大理寺卿沈源深著賞加二品頂戴太僕寺少卿錢應溥著以三品京堂卽補郎中祝維城孟繼堉均著俟補知府後在任以道員卽選金保泰著以應陞之缺在任候補主事王汝濟著以本部員外郎卽補郎中沈恩嘉著俟補缺後在任以知府卽選主事徐迪新著賞給三品封典陳簡棠著以本部員外郎卽補郎中徐樹鈞著俟補知府後在任以道員卽選主事易俊著以本部員外郎卽補員外郎顧璜王儼陳邦瑞均著以本部郎中卽補主事胡寶鐸著俟補員外郎後以本部郎中卽補額外主事吳魯陳熾均著俟奏留後以本部主事卽補主事孫朝華王頌爵均著以本部主事卽補前充軍機章京盛京將軍慶裕禮部左侍郎續昌兵部右侍郎徐用儀前兵部右侍郎朱智奏天府府尹裕長內閣侍讀學士三德前鴻臚寺少卿梁僧寶按察使張岳年前按察使英祥曾鉢鹽運使額勒精勒前任鹽運使李邦楨御史本賁余聯沅莊子楨胡泰福降調御史黃兆樞道員監紳秦吉順江人鏡吳引孫崇緒前任道員文吉英廉夏獻雲蔣繼洙前候補道新邦慶知府文海春岫玉春增林榮堃穆特亨額魁元李廷簫李耀奎李方璣李士彬魏邦翰李芳柳孫紀雲前任知府裕彰奎綬佛爾恭額龔鼎儒史松秀郎中桂斌前任郎中葉衍蘭前候補郎中金曰修主事培克什布前候補主事徐士佳均著賞加隨帶加一級該衙門知道○命奕譞奕謨管理雍和宮事務載澍管理樂

部事務○諭軍機大臣等前據李鴻章電袁世凱電稱朝鮮國王爲李應浚所愚謂已行賄二萬餘金禮部允免專使等語當諭令禮部確查覆奏茲據該部奏稱派員面詢該使臣等堅稱不知有行賄免使等事李應浚來京亦無消息等語此事虛實惟以李應浚來京與否爲緊要關鍵既未來京無憑根究著李鴻章電飭袁世凱就近詢問該國王將李應浚所稱各節令其確切指明何人得賄何人允免遣使有無牽涉四譯館及禮部司員再述情節俟袁世凱電復後該督卽行據實具奏○庚午欽奉 慈禧端佑康頤昭豫莊誠皇太后懿旨本年正月舉行皇帝大婚典禮二月舉行歸政典禮普天率土拜舞歡欣因思國有大慶中外攸同自各國訂約通好以來信睦之誼久而彌著各國駐京使臣均能深明大體慎固邦交茲當盛典躬逢允宜慶忱同洽所有現在京城之巴爾德田貝鹽田三郎華爾身庫滿羅德理李梅維禮用著總理各國事務衙門慶郡王奕劻等於二月內擇日在署設宴款待並頒給如意緞疋等件其現未在京之肅嘉德費果孫並著一體頒給用示朝廷行慶睦鄰之至意該衙門卽遵諭行○欽奉 慈禧端佑康頤昭豫莊誠皇太后懿旨科爾沁博多勒噶台親王僧格林沁於咸豐同治年間迭平捻寇功在旗常前經從優賜卹並圖形於光緒配饗 太廟該親王身後榮名已足昭垂千古現在歸政屆期追念前勞允宜再沛殊恩以示優異僧格林沁著於京師建立專祠春秋致祭該衙門知道○欽奉 慈禧端



佑康頤昭豫莊誠皇太后懿旨邇來各省軍務一律敕平朝廷安不忘危每思疆場之臣身經百戰瘡痍  
捐軀花節孤忠時深憫念本年二月舉行歸政典禮論功行賞普徧賢品更宜澤及九泉以褒忠愼原任  
西安將軍多隆阿杭州將軍瑞昌伊犁將軍明緒正黃旗漢軍都統舒通額烏魯木齊都統平瑞署雲貴  
總督潘鐸浙江提督饒廷選廣西提督張玉良烏魯木齊業師神額署福建陸路提督福甯鎮總兵林文  
察貴州提督趙德元甘肅提督高連升廣東陸路提督劉松山鎮紅旗護軍統領舒保護軍統領恆齡  
吐魯番領隊大臣色普詩計塔爾巴哈臺參贊大臣武隆額巴燕岱領隊大臣穆克登額庫倫辦事大臣  
薩凌阿內閣學士全順浙江巡撫王有齡兵部左侍郎黃琮刑部右侍郎張錫庚都察院左都御史張鼎  
副都統舒明安副都統蘇倫保乍浦副都統傑純河南歸德鎮總兵李臣典江西南贛鎮總兵程學啟總  
兵何建璣廣西右江鎮總兵張樹珊廣東高州鎮總兵楊玉科貴州安義鎮總兵陳嘉福福建按察使張連  
關乾清門頭等侍衛卓明阿頭等侍衛隆春頭等侍衛奇克達等皆著賜祭一壇此外滿漢陣亡殉難之  
實任一二品文武大員並蒙古各盟陣亡二品以上各員著兵部吏部理藩院八旗確切查明咨報禮部  
各賜祭一壇該衙門知道○欽奉 慈禧端佑康頤昭豫莊誠皇太后懿旨各省封疆大吏均爲國家倚  
任之臣其久歷戎旆熟諳韜略者懋建殊勳賢勞尤著現任提鎮諸臣類皆起自行間漸膺專閫各該文

武大臣爲國宣勤歷久不懈現在歸政伊邇允宜分別施恩大學士直隸總督李鴻章著賞用紫緞兩江總督曾國荃雲貴總督岑毓英均著賞加太子太保銜陝甘總督楊昌濬山東巡撫張曜甘肅新疆巡撫劉錦棠福建臺灣巡撫劉銘傳均著賞加太子少保銜吉林將軍長順江甯將軍豐紳綬連城將軍克蒙額烏里雅蘇臺將軍杜嘎爾察哈爾都統托倫布直隸提督李長樂陝西提督雷正綰甘肅提督周達武長江水師提督李成謀浙江提督歐陽利見福建水師提督彭楚漢福建陸路提督孫開華廣東水師提督方耀廣東陸路提督唐仁廉廣西提督蘇元春湖北提督程文炳四川提督宋慶雲南提督馮子材均著賞加二級前兵部尚書彭玉麟著交部從優議敘前陝甘總督楊岳斌前長江水師提督黃翼升前江南提督李朝斌均著交部議敘此外現任曾歷軍營之文武一二品大員著吏部兵部分晰查明均賞加一級該部知道○欽奉 慈禧端佑康頤昭豫莊誠皇太后懿旨從前軍務繁興封疆將帥之臣運籌決策戮力同心或未藏全功或始終勤事論其謀國之忠均屬聲施燭然勳名相埒茲當歸政之始追念勞臣所有功績最著之原任大學士官文大學士兩江總督曾國藩協辦大學士四川總督駱秉章盛京將軍都興阿吉林將軍富明阿荊州將軍巴揚阿福州將軍穆圖善福州將軍普慶伊犁將軍金順四川總督吳棠漕運總督袁甲三四川總督丁寶楨兩廣總督張樹聲雲貴總督劉長佑鎮紅旗蒙古都統穆騰

阿鎮黃旗蒙古都統明慶察哈爾都統安凌阿察哈爾都統色爾圖晉湖北巡撫胡林翼安徽巡撫李續  
宜貴州巡撫曾國光浙江提督鄭魁士直隸提督郭松林湖北提督傅振邦雲南提督胡中和廣東水師  
提督吳長慶福建水師提督吳全美署湖南提督周宗世湖南提督周盛波甘肅甯夏鎮總兵譚拔萃署  
湖南提督周盛傳湖南提督鮑超福建建甯鎮總兵張得勝均著賜祭一壇烏魯木齊都統英翰著開復  
總督該衙門知道○欽奉 慈禧端佑康頤昭豫莊誠皇太后懿旨御史林紹年奏督撫報効有關政體  
民生請旨飭禁一摺海軍爲經國要圖自光緒十一年創辦以來規模略具需款浩繁前據總理海軍事  
務衙門奏准由兩江等省於正雜諸款內騰挪巨款分年撥解天津交李鴻章發商生息各省籌解之銀  
專備海軍不時之需其每年息銀則以補海軍衙門放項之不敷並無令各省督撫報効之事該御史此  
奏乃以朝廷黃進獻督撫肆誅求等語任意揣摩危詞聳聽竊屬謬妄林紹年著傳旨嚴行申飭○升泰  
奏奴才前於光緒十四年十一月二十三日曾將初見英官情形由驛馳奏計自會議以來印度又到英  
官一員云係印度外部尙書鳩蘭德比保爾官職較崇次日卽來奴才行營會晤自言係由遊歷而至然  
於印藏之事亦可議論自此每於交涉之件遇事阻撓奴才委派隨員拉里賴務稭志文總兵張騰蛟前  
赴隆吐以南查閱藏番所指各界卽多方爲難遞去說帖每不回覆如奴才及委員等與之論事請彼詞

窮則又云此事應與保爾相商非渠所知恭查前奉 寄諭飭令奴才係與保爾熟商妥辦並無鳩關德之名是以奴才每交說帖均送保爾營中囑其先議撤兵詎英官戰勝而驕必須將要說七事議妥始允議及撤退現議哲孟雄事不下十次該英官必欲將哲孟雄註明條約屬於英國劃界哨利拉山卽歷次來文所謂冀熱勒巴拉山嶺是也奴才議以本年印督有旨曾云藏衆退回原界仍守二年以前情形不在隆吐山款兵以後便可照舊辦理絕不欲侵入藏地致礙兩國和好等語查哲孟雄全部藏番本不干預其地方事宜惟在西藏商上有年節禮物及駐藏大臣賀禮而已其向來是何禮節均當照舊則英國向來如何保護亦可仍舊該英官等以此語係在八月未戰之先既戰之後又當別論再四駁議似以爲可繼又添出無限之言必欲書入約內察其所云伏意甚深將來難免又生枝節奴才未敢允許又通商一條開來款內英人直欲到藏貿易委員等嚴詞以拒自計辯說始言退至江孜仍答以萬不能行刻又意在帕克哩奴才查帕隘乃藏南門戶其險要全在山腰之格林卡一帶若至帕克哩已在高原爲廓爾喀布魯克巴哲孟雄三部通衢縱使試辦商務萬不可使市經交兵之印洋人萃聚於此且開導藏番通商必宜界外始可期其遵從是以奴才堅未允許英官意甚囁然奴才伏思此行原爲綏靖邊疆而來察看英人心不忘藏每露於口角之間誠知拒之過力禍結難消然事貴妥辦倘不審慎於前遽從其請

不特後患難言卽藏番亦必梗命第英官每以藏番無能語言極爲藐玩所望甚奢並且詞多反覆奴才亦惟存平心靜氣婉與商量冀解目前之急以仰副 聖主籌慮西陲之至意但奴才行營紮於隆吐咱利兩大山之間插帳暫駐轉瞬雲積糧運梗阻百事艱難應請 飭下總理衙門迅商英使轉電印督飭令各英官速爲議結勿過與奴才爲難曷勝幸甚除飛咨劉秉璋先行電奏外合再由六百里專摺詳細馳陳下該衙門知之○升泰奏奴才自到邊後既將在邊之兵撤退兩站又復嚴札商上速籌遣撤昨據掌辦商務第穆呼圖克圖稟稱奉飭遣撤防兵正在籌辦忽接藏州榮南營官稟報該屬東南一隅與布魯克巴所屬之阿麻打納及藏屬門巴地方相近近日洋人派人修路聲稱曾領中國護照准其入藏等語又布魯克巴棟桑地方及後藏干壩等處亦有洋人修路紛紛具報到藏只得預爲稟請作主等情前來奴才查此次與英官會議要求之事甚多稍不如意則云此地不能議成俟來年三月到藏再議情近恫喝奴才惟當以情理與之辯論不敢以意氣用事茲據商上稟報各處修路其爲洋人故作此舉以期如願而償抑商上見洋人兵尙未退故意張大其事藉此留兵駐防均未可知但英人窺藏之心形於詞色修路之舉不敢謂其必無除派員再行詳細查探外應請 飭下總理各國事務衙門一並妥商英使免致兩藏人心搖惑不定再此間聞得印督業已更換又聞緬甸亦復多事合並陳明下該衙門知之○

辛未雪○壬午命魁斌恭詣 天壇凱奏恭詣 地壇隆懋恭詣 太廟後殿載澧恭詣 奉先殿告祭

○上詣 慈寧宮行禮 御太和殿受賀○命續昌詣 冊徐郁詣 寶詣 皇后邸行冊立禮○頒給

河南尉氏縣新建 河神廟匾額○頒給四川榮縣 城隍廟安岳縣 城隍廟 龍神營山縣 城隍

神保寧府 城隍神蓬溪縣 龍神永州縣 城隍神 龍神威遠縣 城隍神 龍神及河南襄城縣

城隍神靈泉山 黑龍神匾額○癸未命額勒和布爲正使奎潤爲副使持節詣 皇后邸行奉迎禮

○派嵩甲崇光爲前引大臣隆懋奕謨奕綱恩承烏拉昌崇阿榮祿德福果勒敏符珍椿壽爲扈從大臣

○大婚禮成○甲申 上詣 壽皇殿行禮○頒詔天下覃恩有差○欽奉 慈福端佑康頤昭豫莊誠

皇太后懿旨皇帝寅承大統於今十有五年倚任親賢彌成到治茲當大婚禮成自應特沛殊施用昭懋

賞其近支王公勳爵後裔亦宜一體施恩以彰慶典恭親王奕訢著賞添頭等二等護衛各一員三等護

衛二員貝勒載瀼著賞加郡王銜貝勒載澍著賞穿四行龍補服貝勒載潤著在上書房讀書貝子奕謨

著賞加貝勒銜貝子溥倫著賞食全俸輔國公載澤著賞食鎮國公俸鎮國將軍溥侗著賞食全俸鎮國

將軍載濟著在上書房讀書親王魁斌鄭親王凱泰莊親王載勛均著賞戴三眼花翎親王本格格著

賞給四團正容補服肅親王隆勲之子善耆著賞給頭等侍衛挑在乾清門當差營旌著賞給二等侍衛

在大門上當差怡親王載敦著交宗人府議敘順城郡王訥勒赫著賞食全俸郡王銜貝勒奕綱著交宗人府議敘貝子毓禧著賞給散秩大臣鎮國公載遷榮毓輔國公榮頤載卓溥豐光裕均著賞給委散秩大臣定郡王溥煦貝子溥成鎮國公載鋹溥齡溥芸溥廉溥植桂豐輔國公載昂奎瑛意普載劍麟嘉均著賞加二級固倫額駙景壽著在紫禁城內賞坐二人椅轎伊子候補郎中志勳著以五品京堂候補固倫額駙符珍著交部議敘和碩額駙扎拉豐阿著在紫禁城內騎馬御前大臣博多勒噶台親王伯彥訥謨祜著在紫禁城內賞坐二人椅轎伊子貝勒那爾蘇著在紫禁城內騎馬輔國公溫蘇都著挑在御前行走克勤郡王晉祺著賞加親王銜伊子崧傑著賞給頭品頂戴慶郡王奕劻著賞穿四團正容補服伊子載振著賞給頭品頂戴軍機大臣禮親王世鐸著賞添頭等二等護衛各一員三等護衛二員前經賞穿四團正容補服著准其帶章伊子不入八分輔國公誠厚著挑在御前行走大學士額勒和布張之萬均著賞加太子太保銜尙書許庚身孫毓汶均著賞加太子少保銜以示行慶推恩之至意○欽奉 慈禧端佑康頤昭豫莊誠皇太后懿旨醇親王奕譞以親賢而肩重任公忠體國中外咸知深宮嘉許之懷非名言所能罄前因歸政屆期業經優加賞賚茲當皇帝大婚禮成允宜再沛殊恩益光慶典醇親王奕譞著賞添頭等二等護衛各一員三等護衛二員加賞修葺府第銀六萬兩由戶部給發伊子不入八分

輔國公載澄著皆封爲入八分鎮國公不入八分輔國公載洵著皆封爲入八分輔國公實食全俸載濤  
著賞給頭品頂戴並賞戴花翎以示優眷○欽奉 慈禧端佑康頤昭豫莊誠皇太后懿旨本月二十七  
日奉迎皇后鳳輿進宮之王大臣等均著賞加一級執事之章京司員等均著賞加紀錄一次請轎之鑾  
儀衛校尉著每名各賞銀二兩預備儀仗鎧隻之鑾儀衛校尉內務府護軍等每名各賞給銀一兩山戶  
部給發○欽奉 慈禧端佑康頤昭豫莊誠皇太后懿旨副都統護軍統領承恩公桂祥著加恩以待郎  
候補○欽奉 慈禧端佑康頤昭豫莊誠皇太后懿旨皇帝大婚禮成普天同慶所有年班來京之蒙古  
王公等亦應一體施恩以彰慶典科爾沁圖什蒙圖親王巴寶多爾濟科爾沁卓哩克圖親王濟克旺庫  
爾噶拉噶車臣漢車林多爾濟阿拉普親王多羅特色楞噶拉沁親王銜郡王旺多特那木濟勒均著賞  
穿黃馬褂蘇尼特郡王那木濟勒旺楚克著賞加親王銜烏珠木沁親王阿勒坦呼雅克林郡王圖噶拉  
噶親王那彥圖奈曼郡王瑪什巴圖爾均著賞用紫綬巴林郡王額爾奇木巴雅爾噶爾沁貝勒熙凌阿  
科爾沁輔國公那蘇圖均著挑在御前行走教漢員勒銜貝子達克沁郭爾羅斯輔國公圖普烏勒濟圖  
噶拉噶貝勒剛當燕準車楞土觀呼圖克圖均著在紫禁城內騎馬此外年班來京之御前行走親郡王  
著賞蟒緞二疋大緞二疋帽緯二匣貝勒貝子著各賞蟒袍一件大緞一疋帽緯一匣鎮國公輔國公著



賞蟒緞一疋小卷緞一疋帽緯一匣台吉塔布幾各賞小卷緞一疋帽緯一匣乾清門行走親郡王著各  
賞蟒袍一件大緞一疋帽緯一匣貝勒貝子著賞蟒緞一疋小卷緞一疋帽緯一匣鎮國公輔國公著各  
賞小卷緞一疋帽緯一匣台吉塔布幾著各賞小卷緞一疋卽著理藩院查明員數分給祇領阿嘉呼圖  
克圖著賞蟒緞二疋該衙門知道○欽奉 慈禧端佑康頤昭豫莊誠皇太后懿旨皇帝大婚禮成本日  
已加恩恭親王等以光慶典所有內廷行走之執事諸臣亦應一律加以獎敘毓慶宮行走尙書翁同龢  
著賞戴花翎侍郎孫家鼐著賞加頭品頂戴侍郎松澐著在紫禁城內騎馬上書房行走協辦大學士尙  
書徐桐著賞加太子太保銜侍郎章華著賞加頭品頂戴翰林院侍讀學士徐會澂編修李培元均著交  
部議敘詹事府右庶子王文錦著賞加四品頂戴修撰王仁堪曹鴻勳均著賞加五品銜編修高釗中著  
賞換侍講銜編修張仁黼將良高恩均著賞加六品銜南書房行走尙書潘祖蔭著賞加太子太保銜  
侍郎徐郁著在紫禁城內騎馬詹事府少詹事李文田編修吳樹梅均著以應升之缺開列於前禮部堂  
官尙書李鴻藻侍郎徐郁章華前著侍郎清安調任工部侍郎敬信均著開復革職留任處分尙書奎潤  
前著尙書祁世長侍郎續昌均著開復降調留任處分文興著賞加二級工部堂官尙書崑岡潘祖蔭侍  
郎烏拉布徐樹銘著侍郎崇禮調任侍郎徐用儀均著賞加二級侍郎汪鳴鑾升任侍郎孫毓汶前著禮

部工部侍郎廖壽恆均著賞加一級總管內務府大臣協辦大學士福銀著賞加太子太保銜尙書嵩申  
侍郎師曾均著賞加太子少保銜副都統巴克坦布著賞加頭品頂戴副都統崇光之子內務府候補郎  
中世績著以本衙門郎中卽補武備院卿德隆文鑑奉宸苑卿應銘海緒均著交部議敘上駟院卿福森  
布著賞加二級德慶著交部議敘左翼總兵容貴右翼總兵文秀均著賞加二級其修理街道等差各兵  
丁由戶部發銀一萬兩著福銀等分別賞給以示獎勵○乙酉諭前因京城向設火班官兵亟應整頓諭  
令軍機大臣總管內務府大臣會同步軍統領衙門妥議茲據奏稱擬查照舊章變通辦理並酌議章程  
開單呈覽詳閱所擬酌添兵數籌給口分另購器具各條尙屬周妥卽著照所議辦理惟立法伊始要在  
專責成勤演練隨時認真整頓庶不至日久仍成具文卽著派總管內務府大臣步軍統領衙門專司其  
事並著每日值班之前鋒護軍統領按日切實稽查該官兵一有疏懈卽由該大臣等分別嚴參勿庸另  
行派員統轄經此次整飭之後倘不認真經理以致再有曠誤定惟該大臣等是問懍之○諭巡視中城  
給事中文敏等奏武職不遵審斷肆意咆哮據實參奏一摺據稱侍衛李開陽赴御史童毓英私宅求見  
申訴被毆旋有金高氏呈控該侍衛滋擾各情經該給事中等差傳不到嗣忽便衣前赴公署抗辯咆哮  
實屬不安本分此案著交刑部嚴訊確情按律懲辦李開陽著先行交部議處歸案質訊

二月丁丑朔諭馮子材呈遞賀摺另繕聯語屢次違式殊屬不合著交部察議○諭軍機大臣等二月初三日舉行歸政典禮後各衙門呈遞引見名單查照舊例仍用一分○戊寅 上詣 社 稷壇行禮○欽奉 慈禧端佑康頤昭豫莊誠皇太后懿旨吏部奏遵議開缺御史屠仁守處分議以補官日革職留任當以摺內所稱屠仁守開去御史另行辦理及該員應補何官均未聲敘明晰諭令該部明白回奏茲據奏稱所稱另行辦理係將屠仁守所遺掌山西道御史一缺咨都察院照例題轉其應補何官俟所議處分奉旨後再行請旨如前奏依議卽請以對品之都屬用等語屠仁守陳奏事件違旨妄言厥咎甚重該部僅議以補官日革職留任已堪詫異又不將應補何官之處詳細聲敘直待降旨詰問始行敷衍覆奏若前奏竟予依議則屠仁守直可徑改部屬矣該部於此等交議要件徇庇欺朦情節顯然不得不予以懲儆吏部堂官著交都察院議處承辦司員著查取職名交都察院嚴加議處屠仁守著卽革職永不敘用○己卯 上詣 慈禧宮行禮 御太和殿親政受禮○先是光緒元年正月初八日醇親王奕譞奏臣嘗見歷代繼承大統之君推崇本生父母者備載史書其中有適得至當者焉宋孝宗之不改子傅秀王之封是也有大亂之道焉宋英宗之濮議明世宗之議禮是也張璠桂萼之僞無足論矣忠如韓琦乃與司馬光議論抵牾其故何歟蓋非常之事出立論者勢必紛沓擾攘雖乃心王室不無其人而以此

爲梯榮之具追其主以不得不視爲莊論者正復不少恭維 皇清受 天之命 列聖相承 十朝一  
脈至隆極盛曠古罕觀詎 穆宗毅皇帝春秋正盛遽棄臣民 皇太后以 宗廟 社稷爲重 特命  
皇帝入承大統復 推恩及臣以親王世襲罔替源叨 異數感懼難名原不須更生過慮惟思此時  
垂簾聽政 簡用賢良廷議既屬執中邪說自必潛匿倘將來親政後或有草茅新進之徒趨六年拜  
相捷徑以危言故事聳動 宸聰不幸稍一夷猶則 朝廷徒滋多事矣合無仰懇 皇太后將臣此摺  
留之 宮中俟 皇帝親政時宣示廷臣世賞之由及 臣實畏本意千秋萬載勿再更張如有以治平嘉  
靖等朝之說進者務目之爲奸邪小人立加屏斥果蒙 慈命嚴切 皇帝敢不欽遵是不但微臣名節  
得以保全而關乎君子小人消長之機者實爲至大且要所有微臣披瀝愚見豫杜妄論緣山謠恭  
摺具奏至是吳大澂奏 臣竊維醇親王公忠體 國以謙卑謹慎自持創辦海軍衙門各事宜均已妥議  
章程有功不伐爲天下臣民所仰望在 皇太后前則盡臣下之禮在 皇上則有父子之親我 朝以  
孝治天下當以正名定分爲先凡在臣子爲人後者例得以本身 封典 賜封本生父母此 朝廷錫  
類之 恩所以遂臣子之孝思至深且厚屬在臣工皆得推本所生仰邀 封誥況貴爲 天子而於  
天子所生之父母必有尊崇之典禮孟子云聖人人倫之至本人倫以制禮不外心安理得 皇上之心

安則 皇太后之心安天下臣民之心亦無不安 攷之前史見宋英宗詔議濮王典禮明世宗詔議興  
獻王典禮聚訟紛紜幾無定論恭讀 高宗純皇帝御批通鑑輯覽云英宗崇奉濮王事由韓琦等申請  
且所議並非加尊帝號更無嫌疑陵替之虞必執爲人後者不得復顧私親以相辨析說與大記所云不  
合使濮王尙在又將何以處之且以本生之親改稱伯父固非所安而加皇於伯名亦不正王珪司馬光  
之說並無經傳可據徒以強詞爭執自不若歐陽修援引禮經之爲得也 御批通鑑輯覽又云嘉靖欲  
推崇自出本屬人子至情諸臣必執宋時濮議相持無論事理不同且亦無以慰尊親本願蓋旁支入承  
大統於孝宗固有爲後之義然以毛裏至親改稱叔父實亦情所不安誠使集議之初卽早定本生名號  
加以徽稱使得少申敬禮則張璪等亦無由伺間陳言或可隱全大義等語 聖訓煌煌斟酌乎天理人  
情之至當實爲千言不易之定論自制禮之 聖人出而天下後世有所遵依本生父母之名不可改易  
卽加以尊稱仍別以本生名號自無過當之嫌 皇太后 皇上知過之隆忝躋卿貳後十年雖  
身歷封圻而心殷戀 闕感 恩圖報當與 國家休戚相關 朝廷有大典禮自不容緘默不言本年  
二月初三日恭逢 皇太后歸政之期擬請 懿旨飭下廷臣會議醇親王構號禮節詳細奏明出自  
皇太后特旨宣示天下以遂我 皇上孝敬之懷以塞溥海臣民之望是否有當謹恭摺密奏欽奉 慈

禧端佑康頤昭豫莊誠皇太后懿旨本日據吳大澂奏請飭議尊崇醇親王典禮一摺皇帝入繼 文宗  
顯皇帝寅承大統醇親王奕譞謙卑謹慎翼小心十餘年來深宮派辦事宜靡不殫竭心力恪恭盡職  
每遇優加異數皆再四涕泣懇辭前寶杏黃轎至今不敢乘坐其秉心忠赤嚴畏殊常非徒深宮知之最  
深實天下臣民所共諒自光緒元年正月初八日醇親王卽有豫杜妄論一奏內稱歷代繼統之君推崇  
本生父母者以宋孝宗不改子僭秀王之封爲至當慮皇帝親收後歿壬倖進援引治平嘉靖之說肆其  
奸邪豫具封章請俟親政時宣示天下俾千秋萬載勿再更張其披瀝之忱自古純臣居心何以過此此  
深宮不能不嘉許感歎勉從所請者也茲當歸政伊始吳大澂果有此奏若不將醇親王原奏及時宣示  
則後此邪說競進妄希議禮梯榮其愚何堪設想用特明白曉諭並將醇親王原奏發鈔俾中外臣民咸  
知我朝隆軌超越古今卽賢王心事亦從此可以共白嗣後闕名希寵之徒更何所容其覬覦乎將此通  
諭中外知之○庚辰 上詣 慈寧宮行禮 御太和殿受賀○頒詔天下覃恩有差○以恩承爲東閣  
大學士張之萬爲體仁閣大學士○以沈源深爲大理寺卿○頒給奉天岫巖州復州懷德縣 關帝廟  
匾額○辛巳以奕欽爲都察院左副都御史○停止太和殿筵宴○允倪文蔚奏請展限買補倉穀○以  
捐助院賑開復已革提督銜遇缺題奏總兵吳安康職○壬午命慶郡王奕劻大學士福錕等宴各國駐

京使臣於總理各國事務衙門並頒給玉如意綢緞活計等件○乙酉唐炯奏臣接准戶部咨開本部奏  
催雲貴二省應辦銅鉛認真開採提前起解一摺光緒十四年十二月初八日奉 旨依議欽此併鈔錄  
原奏咨行到臣自應遵照辦理伏查東川昭通兩府開辦各廠均經臣身親履勘遇事考求確有把握將  
來陸續見功京運籌額不難規復臣前奏求 皇上假以歲月但責其成功不期以速效非敢畏難因循  
預爲延宕塞責地步誠以廠務廢弛數十年此時辦理一切無異創始而產礦之區又皆在深山窮谷攻  
採之時僱募砂丁既屬不易得礦之後搭爐煎煉所需炭薪甚鉅購運尤極艱難及至成銅起解民間駭  
馬無多僱運亦復棘手凡此情形今昔不同非可剋期立辦也臣自去年勘定各廠卽於二月內飭礦務  
公司商人次第開辦凡境硤之鬆硬丈尺之淺深均令五日一報以憑考驗將實無如可開之廠悉係新  
山石硤甚望晝夜之力僅能攻進寸許而堂礦結交往往多水入山既深又復氣悶必須通風洩水始克  
施工以是不能不就延時日幸八月以後有一二報見功者祇以礦脈變幻靡常多寡久暫未經考究確  
實不敢遽行具奏現計所獲礦砂已積存百二十萬而每日總可獲礦砂三十餘萬已飭開爐煎煉大約  
本年可得銅一百數十萬報解惟民間駝馬甚少尙須設法招徠秋冬間能否全數轉解到滬起運尙未  
敢定其餘遲早本年陸續都當見功至民間開辦永善一縣甚屬踴躍惟資本無多驟難見效合計各廠

現在情形以後銅斤必能逐年加增不致如前竭蹶此半年以來辦理雲南銅務漸次見功之實在情形也惟辦銅必須有本公司商人既經繳銅必須發價始能周轉陸續辦運查戶部指撥銅本五十萬兩臣自到滇迄今僅收到江西新辦銀四萬兩浙江新辦銀四萬兩又廣東舊欠銅本銀二萬兩粵海關舊欠陋費五千六百七十六兩零又雲南預借四川十五六七三年鹽稅撥銀報作歸還銅本四萬二千兩通共實收到各省新辦銅本銀十四萬七千六百七十六兩零均暫存藩庫核計收到銅本僅足買銅一百數十萬本年各廠再有見功繳銅日多收到前項不敷採買斷無責令公司商人墊解之理而雲南本省每歲供支以入抵出尚不敷三十餘萬更無從籌還從前所借銅本臣前以鄧州大工需用甚鉅雲南銅務尙無起色故未敢冒昧上煩宸廑現在鄧州大工業經合龍而雲南銅務漸次見功需用甚鉅合無仰懇天恩勅部查照定例指撥定款銀一百萬兩限期分解到滇以應急需而免貽誤無任待命之至得旨據奏雲南礦務漸有起色著照所請由戶部指撥的款一百萬兩限期分解以應急需○吳大澂奏與國之學古人不如近世之精海道長江各關與海防江防大有裨益輪船管駕測量水道賴有與國以爲表則畫山必及四址山麓所占之區非實測不知其寬廣繪水必及沙灘河脚所占之地非實驗不知其淺深而黃河之曲直寬窄與河防關係尤重向來繪圖多出吏胥之手僅知大略並不開方記



里河臣治河求一詳細河圖而不可得中州官吏士子亦無精於測算之人風氣未開難求實效臣擬於  
汴省設立河圖局咨商南北洋大臣兩廣總督船政大臣選調津滬閩粵各局熟諳測繪之委員學生二  
十餘人各送來豫分段測量自河南之開鄉縣黃流入境之處至山東之利津海口止繪畫全圖刻成精  
本亦河工營後之一端雖河道時有變遷而提岸之寬狹何處頂衝何處坐灘隄內之老灘嫩灘新壩舊  
壩隄外之水塘土塘官地民地大小諸河之會合南北各山之毗連城郭村莊之遠近疏密皆可一目瞭  
然有定之界址既可按籍參稽其無定之灘河亦可隨時添注實爲請求河務不可少之圖惟該員等航  
海而來沿河跋涉與創辦電綫之員勞績相等非酌予獎敘不足以鼓勵人才而精於測算圖繪之學頗  
難其選不敢冒濫如蒙 俞允俟咨調到局將各委員學生銜名咨部存案以昭核實得 旨著准其咨  
調數員辦理繪圖事件至所稱設立河圖局及酌予獎敘未免先事鋪張著毋庸議○內成諭曹鴻勛著  
授載澗讀張仁黼著授載濟讀○連慶因病請解任允之○九倪文蔚奏請沁工保獎准照山東合龍給  
獎章程辦理○諭前據馮子材奏特參吏部書吏任憲索賄顛倒保案請將議駁之員仍照原保給獎豈  
聲明伊子前次保案應否照准各摺片當諭令吏部將書吏沈錫垣即沈梅卿並冒充沈梅卿之樊子清  
一名工人張升一名拿獲著交刑部嚴訊確供據實覆奏馮子材所稱吏部數獎歧異各情經該部將原

案逐一查明均係按照定例章程分別准駁並無顛倒情弊即著毋庸置議至剿辦瓊州盜匪出力各員業據張之洞等查照部議擬加核減並刪去三員經該部議覆奏准馮子材報將初次原請獎叙開單懇請照准伊子馮相華等准獎同知花翎光緒六年特旨允准之案茲復據奏請應否照准殊屬糊塗冒昧馮子材著交部議處○諭禮部等衙門奏恭辦大婚禮出力人員懇恩酌保各一摺大婚慶典告成各該衙門承辦官員等妥慎將事不無微勞足錄所有在事出力人員著各該衙門堂官核實保獎毋得冒濫○端良奏恭照本月初四日辰刻 皇上陞殿百官行禮奴才恭詣西級山旁侍班料儀值後行經天安門前值禮部官員宣 詔文武百官皆朝服在橋敬謹跪聽宣讀而橋上及橋北乃有常服官員數十人與便衣短者百餘人隨意坐臥嬉笑喧譁至橋北右翼班房之前有二品頂戴花翎官員三四品頂戴官員撥橙東向而坐寶扇不知敬謹且任閑雜人等趨走坐臥不知管束是門禁廢弛與此為甚查向來門禁不嚴屢經言官陳奏雖奉 旨嚴禁而值班官兵視為具文此平日無人整頓積習所致乃恭逢宣 詔大典該值班官員既不能自加整肅又安望其約束於人耶應請 旨飭將是日值班官員查取職名交部議處以為不知敬謹者戒嗣後門禁如再廢弛應如何嚴予懲處之處奴才未敢擅擬上諭御史端良奏禁門未能嚴肅據實糾參一摺據稱本月初四日天安門宣詔有常服官員與便衣

短褐之人任意喧譁右翼班房之前並有官員踞坐情事宜詔大典理應嚴肅豈容便服人等喧譁踞坐  
該值班官員並不禁阻殊屬不成事體所有是日天安門值班官員著查取職名交部議處以示懲儆○  
丁亥以重慶爲廣東潮州鎮總兵○以薛福辰爲都察院左副都御史○頒給河南武陟縣 大王廟  
城隍神御書匾額○諭都察院奏遵議處分一摺吏部尙書鈔珍徐桐左侍郎松澐許應騷右侍郎景  
晉保家那應得革職處分均著加恩革職留任承辦司員郎中鈺麟主事盧易詒均著照議卽行革職○  
升泰奏查奴才於光緒十四年十二月初十日曾將邊務情形專摺詳陳並鈔錄奏稿飛咨四川督臣劉  
秉璋由電先行奏報各在案惟查印藏邊務迭商英官總以先行撤兵爲主無如英人必得如願而償乃  
肯議撤藏番自十月以來雖屬不免狡展然已將業經成軍之三寺僧兵全行阻回到邊之後又將仁進  
岡駐紮之番兵萬人撤退兩站近日復以數千撤入帕隘亦覺漸就範圍乃因洋官鳩蘭德必欲將哲孟  
維事不照舊章多方挑剔弗依奴才所議以致保爾開來七款行知商上該藏番迭款頂覆寬辭遊從又  
習藏中已遵 諭旨退兵洋人營中惟聞添兵運糧不見退紮一步曉曉稟演不休奴才日夜焦急再四  
與英官熟商而洋營語多反覆忽允忽翻據英緝譯云前議照舊事亦非難但英官不肯明明寫出列入  
條約則是彼族如何居心且公事亦無此辦法又據馬緝譯官云欲求將舊事照舊本無不可然必得在

帕克哩一帶通商事乃可行奴才既未敢深信馬縉譯之言又慮貿然允許而藏番固執不遵反遭笑柄其藏中番官隨奴才到邊者噶布倫三員隨帶四五品番官不下數十員又三大寺派來領袖僧官十餘員因不便紮近洋營均屯於仁進岡地方且對邦正在隆吐之頂每一積雪動輒數尺哨利封山後路即行阻隔運糧無處可來是以奴才移營暫回仁進岡將一切事宜督飭委員等與藏番逐件議妥始可斟酌損益允許洋人否則徒託空言於事無補正擬於十七日移營十六日夜亥刻英官伊履仕親來行營云總理各國事務衙門有電到營須暫緩折回次日午後復來據稱總理各國事務衙門已派有縉譯折穆士赫德由粵航海至印來營先行轉電奴才不可回藏等語當即仍託英官電復並非回藏只赴仁進岡開導藏番適委員已由洋營後路查勘藏界折回奴才仍於十二月十八日移營仁進岡藏番各官來見據稱駐藏大臣及各委員馳驅風雪屢與洋人力爭哲事我等亦有所聞我藏番受害強鄰惟有仰賴大皇帝恩德覆庇此外別無他望察看語詞色似於駐藏官兵懷疑頓釋只以洋人勒兵要挾稍忿難平奴才竊以宜降心忍耐先解急難再圖自強均尚唯唯至洋營縉譯馬姓狡而漢語不清令人常以爲慮今得總署另派縉譯必能據實緝傳可期兩情均無隔閡實深幸甚惟有嚴飭委員等竭力設法切實開導藏番一俟赫德到邊即當再與英官妥商定議力圖早站邊事以期上慰宸庑又奏印藏邊

務奴才現已折回仁進岡竭力設法將藏番之兵陸續遣歸議撤該番亦已集議不久當可分起遵辦所  
難者惟分界通商兩大端耳通商一事本已開導數年因該番始終固執歷任辦理迄無成效刻又嚴飭  
委員無論如何導諭期在必行該委員不辭勞怨夙夜在公藏番冥頑不靈古徹督焦開導實非易事至  
哲孟雄事奴才自到湯後卽據部長之母率其親族頭目疊次具稟云英官當年立約曾經議明無論如  
何不得過日崑曲河卽此番委員查勘之處又云哲孟雄租地與英每年應收洋銀十二千元英人倚其  
國勢多年不給本年卽藏番致以致洋人興師殃及池魚伊部長母子親族實不願投歸英人千萬乞奴  
才勿將哲境劃出 聖朝版圖之外其稟仍由藏番轉呈前來奴才查哲孟雄本屬小部密邇強鄰地在  
極邊本年卽藏用兵被英人將哲地掠取全土復將部長押赴噶倫綑安置又用重兵將部長向駐之江  
多地方據守該部長流離轉徙情亦可矜皆由藏番昏愚平日失於撫馭以致刻下無法救挽現據查界  
委員裕志文張騰蛟等稟稱洋營後路陸吐山上下洋人分段紮營五處波棟尙有大營約計有兵數千  
人又將陸吐道路修改用費頗鉅哲境以內招來印度及廓爾喀游民闢地墾荒不遺餘力該部首鼠兩  
端亦勢不由己刻雖據稟客情如必照該部所請辦理恐英人以用兵之後斷難拱手相讓空費數十年  
窺伺陰謀邊事必連難結局倘竟聽若敝屣弗與英人計較不但藏番中情不服亦覺啟各番部私相勾

結之風是以此番會議但只許其保護而必爭照舊兩字亦不過留此名色使藏番不至有由奴才辦理邊事失去屬藩即可捏造蜚語並可藉此驅磨布魯克巴以爲亡羊補牢之計此奴才力爭照舊二字之苦心也至布魯克巴地大物博民俗强悍其地數倍哲孟雄實爲前藏屏蔽西人呼爲布丹國該部上年曾經入貢既而免去其部長向無印信亦無封號此番奴才到邊該部長派兵千七百人來營効力奴才正飭藏兵遣撤豈可留此多人致貽藏洋口實是以重給賞需勉以大義飭其速回許以事後當爲之代懇天恩該部歡忻鼓舞仍留頭目數人在此聽候並以其部逼近印度若無印信難昭信守奴才飭其詳具該地情形呈稟查核一面派人查勘該處隘口再當辦理容俟另摺續陳又奏新任駐藏辦事大臣長庚現將抵藏擬委員將駐藏大臣關防齎交奴才另刊木質關防以便咨行譯飭辦理諸務并請飭長庚到藏後亦卽到邊以便和衷商辦上諭軍機大臣等升泰奏移營仁進岡開導藏番布置諸務暨請刊用關防各摺片覽奏均悉哲孟雄與英國定約租地事屬已成無可挽救該國本在版圖之外現在勢窮力竭願求內附若照所請辦理英人窺伺已久必不相讓殊於藏事無益有害該大臣許其保護而爭照舊二字所見甚是布魯克巴派兵來營効力該大臣重給賞需飭其速回所辦亦中肯綮總之此時惟有就事論事將藏案妥籌完結若別生枝節必致貽誤大局諒該大臣必能體會此意也長庚到任後著

暫緩赴邊卽由升泰咨照該大臣知悉升泰於此事情形已熟卽著實成一手經理該大臣務當勉爲其難與英官妥爲商辦徐與磋商一面督飭委員開導裁番總期此事漸就範圍用副委任萬不可稍存退縮推諉之意總理各國事務衙門所派繙譯係總稅務司赫德之弟稅務司赫政並非赫德該衙門據赫德聲明赫政於年內到猶資額因大雪封山未能卽行前進刻下諒已抵仁進岡此後繙譯傳語當無隔閡情事卽著該大臣熟籌妥辦並將商辦情形隨時迅速奏聞所請刊用木質關防著依議行將此由五百里密諭知之○戊子調承綬爲江甯副都統以恩棠爲正黃旗蒙古副都統○諭本年輪應查閱福建浙江廣東廣西四川營務之期福建卽派卞寶第浙江卽派崧駿廣東卽派張之洞廣西卽派沈秉成四川卽派劉秉璋逐一查閱認真簡校如有訓練不精軍實不齊者將廢弛之將弁據實參奏毋得視為具文○己丑 上詣 關帝廟行禮○以長春爲正藍旗護軍統領○李瀚章奏洪河運河水勢報聞○張曜奏請採買奉糧以資接濟得 旨卽著該撫咨會定安酌辦○頒給江西弋陽德化泰和等縣 城隍神泰和縣 龍神匾額○庚寅賞慶裕在紫禁城內騎馬○諭昨據奉宸苑奏請保獎人員一摺大婚典禮該苑並無承辦事宜何得濫行奏請殊堪詫異著不准行本日通政使欽天監各有請獎之摺該衙門承辦事宜亦屬不多均著毋庸保獎○辛卯 上詣 慈寧宮行禮御中和殿閱視 冊 寶○壬辰

上升太和殿恭奉 冊 寶詣 慈寧宮行禮恭上 慈禧端佑康頤昭豫莊誠皇太后徽號曰 慈禧

端佑康頤昭豫莊誠壽恭皇太后命親王祭告 天 地 太廟 社 稷○崧峻奏上年十二月分海

塘沙水情形下工部知之○譚鍾麟奏覆陳甘肅解運新疆伊犁新餉請飭仍照原案准銷下部議奏○

癸巳 上御中和殿受禮太和殿受賀頒詔天下望恩有差○賞恭請 冊 寶執役校尉等銀兩○卞

寶第奏管帶浙江鎮海招寶山礮臺礮兵候補參將吳杰居心險詐任性妄爲近在鎮海縣城內起造住

宅當礮臺工程緊要之時各營勇丁併日趕做該參將將礮兵調赴城內供其起屋之用並有使用礮臺

木料石灰情事先是鎮海南北兩岸礮臺五座均歸該參將管帶現在南岸新添三臺北岸新添兩臺提

臣歐陽利見咨商前撫臣衛榮光以南北兩岸中隔大江往來未便遇有緊要勢難兼顧經衛榮光添派

副將陳勝文管帶南岸礮臺轉飭該參將將礮位軍裝軍火原設礮兵點交陳副將接管該參將奉札之

後多日抗延不交肆口謾罵不遵提督調度似此跋扈張寶屬有妨戎政據浙江提督歐陽利見函請

奏參前來除查明吳杰使用工料廢行追繳外相應請 旨將候補參將吳杰即行革職以肅軍令得

旨如所請行○甲午予岑毓英病假兩月○內中禮部右侍郎董誥卒賜卹如例○派汪鳴鑾查勘 昌

西陵應行急修工程○豁免江淮各屬積欠錢糧○予故貴州提督張文德於古州建祠○以懋勸縣職



員王燦捐置書院田畝並捐修武廟交部議敘○奎斌奏拿獲執持洋鎗強劫拒捕盜犯審明照章懲辦  
下刑部議奏○予捐銀助賑總兵雷玉春母雷張氏職員蕭敷照故父蕭紹枚故母蕭匡氏封職洪廷俊  
故父洪文煥故母洪江氏旌獎○丁酉調廖壽恆爲工部右侍郎轉徐用儀爲兵部左侍郎以白桓爲兵  
部右侍郎○諭恩全奏右翼關稅期滿正額無虧盈餘未能足額一摺著戶部核議具奏○諭師曾奏左  
翼關稅期滿正額無虧盈餘未能足額一摺著戶部核議具奏○以岳琦爲通政使司通政使○己亥  
上詣 奉先殿 壽皇殿行禮○予故詹事府左春坊左贊習李惺五品銜知縣用萬縣訓導范泰衡事  
實交國史館立傳○庚子予左宗棠入祀京師賢良祠○予左宗棠曾國藩升入京師昭忠祠○沈秉成  
奏紳民捐修城工立案下部知之○倪文蔚奏廓爾喀貢使過境委員護送無誤報聞○以銜糧通判秦  
培居心險狠革職○癸卯卞寶第奏臺灣擬添改教官佐雜等官下部議奏○卹故臺灣總兵廖世霖○  
以王連三爲山東曹州鎮總兵○諭軍機大臣等鍾泰奏請調礮械以備操防一摺據稱寶豐滿營向無  
新式礮礮附近無從購辦旗營無款可籌請就近由陝甘總督撥給陸戰洋礮數尊洋鎗一千桿配齊子  
藥運解到營等語卽著該督酌量籌撥俾資應用將此諭令知之○甲辰派福錕續昌行冊封珍嬪禮李  
鴻藻文興行冊封珍嬪禮○唐炯奏運銅駝馬不敷請於腳價內籌款購買得 旨准行○唐炯奏所辦

京銅撥歸寶雲局鼓鑄下戶部知之○乙巳以豐紳泰爲山東鹽運使○命江蘇按察使陳欽銘充出使英國兼法國義國比國欽差大臣尋陳欽銘以病免命大理寺卿薛福成充出使英國兼法國義國比國欽差大臣○李鴻章奏選購戰馬免稅下兵部知之○欽奉 慈禧端佑康頤昭豫莊誠壽恭欽獻崇熙皇太后懿旨前借國帑之世爵世職按季於俸銀內扣本一概免恩